

四庫全書薈要

• 乾隆御覽本

史部

欽定四庫全書蒼要卷三千六百九十二

史部

史記卷一百十四

漢

太

史

令司馬遷

撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

東越列傳第五十四

閩越王無諸

集解韋昭曰閩音武巾反東越之別名索隱按說文云閩東越蛇種也故字從虫門

聲音

及越東海王搖者其先皆越王句踐之後也姓騶

氏集解徐廣曰騶一作駱索隱徐廣說是上云甌駱此別云閩不姓騶也

秦已并天下皆

廢為君長以其地為閩中郡

集解徐廣曰今建安侯官是索隱小顏以為即今之

泉州建安也正義今閩州又改為福也

及諸侯畔秦無諸搖率越歸鄱陽

令吳芮所謂鄱君者也從諸侯滅秦當是之時項籍主

命弗王

集解駢案漢書音義曰主號令諸侯不王無諸搖等

以故不附楚漢擊項

籍無諸搖率越人佐漢漢五年復立無諸為閩越王王

閩中故地都東冶孝惠三年舉高帝時越功曰閩君搖

功多其民便附乃立搖為東海王

集解應劭曰在吳郡東南濱海云

都

東甌

集解徐廣曰今之永寧也索隱姚氏云甌水名永嘉記水出永寧山行三十餘里去郡城五里入江昔

有東甌王都城有亭積石為道今猶在也

世俗號為東甌王後數世至孝景

三年吳王濞反欲從閩越閩越未肯行獨東甌從吳反

吳破東甌受漢購殺吳王丹徒以故皆得不誅歸國吳

王子子駒亡走閩越怨東甌殺其父常勸閩越擊東甌

至建元三年閩越發兵圍東甌東甌食盡困且降乃使

人告急天子天子問太尉田蚡蚡對曰越人相攻擊固

其常又數反覆不足以煩中國往救也自秦時棄弗屬
於是中大夫莊助詰蚡曰特患力弗能救德弗能覆誠
能何故棄之且秦舉咸陽而棄之何乃越也今小國以
窮困來告急天子天子弗振當安所告愬又何以子萬
國乎上曰太尉未足與計吾初即位不欲出虎符發兵
郡國乃遣莊助以節發兵會稽會稽太守欲拒不為發
兵助乃斬一司馬諭意指遂發兵浮海救東甌未至閩
越引兵而去東甌請舉國徙中國乃悉舉衆來處江淮

之間

集解徐廣曰年表曰東甌王廣武侯望率其衆四萬餘人來降家廬江郡索隱徐廣據年表而為說

至建元六年閩越擊南越南越守天子約不敢擅發兵擊而以聞上遣大行王恢出豫章大農韓安國出會稽皆為將軍兵未踰嶺閩越王郢發兵距險其弟餘善乃與相宗族謀曰王以擅發兵擊南越不請故天子兵來誅今漢兵衆彊今即幸勝之後來益多終滅國而止今殺王以謝天子天子聽罷兵固一國完不聽乃力戰不勝即亡入海皆曰善即鏃殺王

索隱劉氏鏃音窻鏃撞也

使使奉其

頭致大行大行曰所為來者誅王今王頭至謝罪不戰

而耘

集解徐廣曰漢書作殞耘義當取耘除或言耘音于粉反此楚人聲重耳殞耘當同音但字有假借

聲有輕重

利莫大焉乃以便宜案兵告大農軍而使使奉王

頭馳報天子詔罷兩將兵曰郢等首惡獨無諸孫繇君

丑不與謀焉

索隱繇音搖繇者邑號丑名也

乃使郎中將立丑為越繇

王奉閩越先祭祀餘善已殺郢威行於國國民多屬竊

自立為王繇王不能矯其衆持正天子聞之為餘善不

足復興師曰餘善數與郢謀亂而後首誅郢師得不勞

因立餘善為東越王與繇王並處至元鼎五年南越反

東越王餘善上書請以卒八千人從樓船將軍擊呂嘉

等兵至揭陽以海風波為解不行持兩端陰使南越及

漢破番禺不至是時樓船將軍楊僕使使上書願便引

兵擊東越上曰士卒勞倦不許罷兵令諸校屯豫章梅

嶺待命

集解徐廣曰在會稽界索隱徐說非也案今豫章三十里有梅嶺在洪崖山當古驛道此文云

豫章梅嶺知非會稽也正義括地志云梅嶺在虔化縣東北百二十八里虔州漢亦屬豫章郡二所未詳元

鼎六年秋餘善聞樓船請誅之漢兵臨境且往乃遂反

發兵距漢道號將軍騶力等為吞漢將軍入白沙武林

集解徐廣曰在豫章界索隱案今豫章北二百里接鄱陽界地名白沙有小水入湖名曰白沙沙東南八十里

有武陽亭亭東南三十里地名武林此白沙武林今當閩越之京道

梅嶺殺漢三校尉是

時漢使大農張成故山州侯齒

集解徐廣曰城陽共王子

將屯弗敢

擊却就便處皆坐畏懦誅餘善刻武帝璽自立詐其民

為妄言天子遣橫海將軍韓說出句章

索隱鄭氏句音鉤會稽縣也正

義句章故城在越州鄞縣西一百里漢縣

浮海從東方往樓船將軍楊僕出

武林中尉王溫舒出梅嶺越侯為戈船下瀨將軍出若

邪白沙

索隱案姚氏云若邪地名今闕正義越州有若邪山若耶溪若如一預州有白沙山蓋從如此

邪白沙東故閩州

元封元年冬咸入東越東越素發兵距險使

徇北將軍守武林敗樓船軍數校尉殺長吏樓船將軍

率錢唐轅紋古

正義錢唐杭州縣轅姓絡古名

斬徇北將軍為禦兒侯

集解駟案漢書音義曰今吳南亭是也正義禦字今作語語兒鄉在蘇州嘉興縣南七十里臨官道也自

兵未往故越衍侯吳陽前在漢漢使歸諭餘善餘善弗

聽及橫海將軍先至越衍侯吳陽以其邑七百人反攻

越軍於漢陽從建成侯敖

集解徐廣曰敖東越臣

與其率從繇王

居股謀曰餘善首惡劫守吾屬今漢兵至衆彊計殺餘

善自歸諸將儻幸得脫乃遂俱殺餘善以其衆降橫海

將軍故封繇王居股為東成侯萬戶

索隱韋昭云在九江

封建成

侯敖為開陵侯

索隱徐廣云敖東越臣韋昭云開陵屬臨淮

封越衍侯吳陽

為北石侯封橫海將軍說為按道侯封橫海校尉福為

繚嫫侯

集解駟案漢書音義曰音遼縈索隱縈繚嫫縣名服虔曰嫫音縈劉伯莊音紆縈反

福者

城陽共王子故為海常侯坐法失侯舊從軍無功以宗

室故侯諸將皆無成功莫封東越將多軍

集解駟案漢書音義曰多

軍名也索隱韋昭云多姓軍名也

漢兵至棄其軍降封為無錫侯於是

天子曰東越狹多阻閩越悍數反覆詔軍吏皆將其民徙處江淮間東越地遂虛

太史公曰越雖蠻夷其先豈嘗有大功德於民哉何其久也歷數代常為君王句踐一稱伯然餘善至大逆滅國遷衆其先苗裔繇王居股等猶尚封為萬戶侯由此知越世世為公侯矣蓋禹之餘烈也

索隱述贊曰句踐之裔是曰無諸既席漢寵實因秦餘騶駱為姓閩中是居王搖之立爰處東隅後嗣不

道自相
誅鋤

史記卷一百十四

史記卷一百一十四考證

東越列傳秦已并天下皆廢為君長○

臣照

按越為楚

滅子孫分散臣服於楚越世家雖有或為王或為君之言其實自相稱署而不得比於宋衛中山之數者也秦兼天下罷侯置守六國之後尚不得尺土寸地矧區區江南海上之越別奉以君長之號乎疑無諸與搖皆已廢為庶人陳項兵起乃始糾合義旅閩越之民尚思舊德相率景從耳

史記卷一百一十四考證

欽定四庫全書薈要卷三千六百九十三

史部

史記卷一百十五

漢

太

史

令司馬遷

撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

朝鮮列傳第五十五

集解張晏曰朝鮮有濕水洙水汕水三水合為洙水疑樂浪朝鮮取名於此也索隱案朝音潮

直驕反鮮音仙以有汕
水故名也汕一音訕

朝鮮

正義潮仙二音括地志云高驪都平壤城
本漢樂浪郡王險城又古云朝鮮地也

王滿者

故燕人也

索隱案漢書滿燕人姓衛
擊破朝鮮王而自王之

自始全燕時嘗略

屬真番

集解徐廣曰一作莫遼東有番汗縣番音普寒
反索隱始全燕時謂六國燕方全盛之時常略

二國以屬已也應劭云元菟本真番國徐
氏云遼東有番汗縣者據地理志而知也朝鮮為置吏

築鄣塞秦滅燕屬遼東外徼漢興為其遠難守復修遼

東故塞至涓水為界

集解駟案漢書音義曰涓音傍沛
反正義地理志云涓水出遼東塞

外西南至樂浪縣
西入海涓音大反

屬燕燕王盧綰反入匈奴滿亡命

正義

命謂教令聚黨千餘人魑結蠻夷服而東走出塞渡沮水居

秦故空地上下鄣

索隱案地理志樂浪有雲鄣

稍役屬真番朝鮮蠻

夷及故燕齊亡命者王之都王險

集解徐廣曰昌黎有險瀆縣也索隱韋昭

云古邑名應劭注地理志云遼東有險瀆縣朝鮮王舊都瓚云王險城在樂浪郡沮水之東也

會孝惠

高后時天下初定遼東太守即約滿為外臣保塞外蠻

夷無使盜邊諸蠻夷君長欲入見天子勿得禁止以聞

上許之以故滿得兵威財物侵降其旁小邑真番臨屯

皆來服屬

索隱東夷小國後以為郡

方數千里

正義括地志云朝鮮高麗貊東沃沮五國

之地國東西千三百里南北二千里在京師東東至大海四百里北至營州界九百二十里南至新羅國六百里北至靺鞨

傳子至孫右渠

正義其孫名也

所誘漢亡人滋多

又未嘗入見真番旁衆國欲上書見天子又擁閼不通

元封二年漢使涉何誘諭右渠

索隱誘一作譙說文云譙讓也諭曉也譙音才

笑終不肯奉詔何去至界上臨沮水使御刺殺送何者

索隱即送

朝鮮裨王長

正義顏師古云長者裨王名也送何至沮水何因刺殺也按裨

王乃將士長

即渡馳入塞

正義入平州榆林關也

遂歸報天子曰

殺朝鮮將上為其名美即不詰

索隱有殺將之美名

拜何為遼東

東部都尉

正義地理志云遼東郡武次縣東部都尉所理也

朝鮮怨何發兵襲

攻殺何天子募罪人擊朝鮮其秋遣樓船將軍楊僕從齊浮渤海兵五萬人左將軍荀彘出遼東討右渠右渠發兵距險左將軍卒正多率遼東兵先縱敗散多還走坐法斬樓船將軍將齊兵七千人先至王險右渠城守窺知樓船軍少即出城擊樓船樓船軍敗散走將軍楊僕失其衆遁山中十餘日稍求收散卒復聚左將軍擊朝鮮涓水西軍未能破自前天子為兩將未有利乃使

衛山因兵威往諭右渠右渠見使者頓首謝願降恐兩將詐殺臣今見信節請服降遣太子入謝獻馬五千匹及饋軍糧人衆萬餘持兵方渡沮水使者及左將軍疑其為變謂太子已服降宜命人毋持兵太子亦疑使者左將軍詐殺之遂不渡沮水復引歸山還報天子天子誅山左將軍破沮水上軍乃前至城下圍其西北樓船亦往會居城南右渠遂堅守城數月未能下左將軍素侍中幸將燕代卒悍乘勝軍多驕樓船將齊卒入海固

已多敗亡其先與右渠戰困辱亡卒卒皆恐將心慙其
圍右渠常持和節左將軍急擊之朝鮮大臣乃陰間使
人私約降樓船往來言尚未肯決左將軍數與樓船期
戰樓船欲急就其約不會左將軍亦使人求間卻降下
朝鮮朝鮮不肯心附樓船以故兩將不相能左將軍心
意樓船前有失軍罪今與朝鮮私善而又不降疑其有
反計未敢發天子曰將率不能前及使衛山諭降右渠
右渠遣太子山使不能剗決與左將軍計相誤卒沮約

今兩將圍城又乖異以故久不決使濟南太守公孫遂
往征之有便宜得以從事遂至左將軍曰朝鮮當下久
矣不下者有狀言樓船數期不會具以素所意告遂曰
今如此不取恐為大害非獨樓船又且與朝鮮共滅吾
軍遂亦以為然而以節召樓船將軍入左將軍營計事
即命左將軍麾下執捕樓船將軍并其軍以報天子天
子誅遂左將軍已并兩軍即急擊朝鮮朝鮮相路人相
韓陰尼谿相參將軍王啖

集解駟案漢書音義曰凡五人也戎狄不知官紀故皆稱

相映音頤索隱路人漁陽縣人如淳云相其國相路人名也映一音協

相與謀曰始欲降

樓船樓船今執獨左將軍并將戰益急恐不能與戰王

又不肯降陰映路人皆亡降漢路人道死元封三年夏

尼谿相參乃使人殺朝鮮王右渠來降王險城未下故

右渠之大臣成已又反復攻吏左將軍使右渠子長

集解

徐廣曰表云長路漢書表云

長路音各索隱路音姑落反

降相路人之子最

索隱最名路人

之子

告諭其民誅成已以故遂定朝鮮為四郡

集解駟案真番

臨屯樂浪

封參為漑清侯

集解韋昭曰屬齊索隱顧氏漑音獲

陰為菽苴

侯

集解韋昭曰屬渤海索隱菽音秋苴音子餘反

啖為平州侯

集解韋昭曰屬梁父

長為

幾侯

集解韋昭曰屬河東索隱幾縣名

最以父死頗有功為溫陽侯

集解

韋昭曰

左將軍徵至坐爭功相嫉乖計棄市樓船將軍

屬齊

亦坐兵至列口當待左將軍擅先縱失亡多當誅贖為

庶人

索隱蘇林云列口縣名度海先得之

太史公曰右渠負固國以絕祀涉何誣功為兵發首樓

船將狹

集解徐廣曰言其所將卒狹少

及難離咎悔失番禺乃反見疑

荀彘爭勞與遂皆誅兩軍俱辱將率莫侯矣

索隱述贊曰衛滿燕人朝鮮是王王險置都路人作
相右渠首羌涉何調上兆禍自斯狐疑二將山遂伏
法紛紜
無狀

史記卷一百十五

史記卷一百一十五考證

朝鮮列傳朝鮮相路人相韓陰尼谿相參將軍王啖集
解漢書音義曰凡五人也○凌稚隆曰按師古云相
路人一相韓陰二尼谿相參三將軍王啖四應氏云
五人誤也

史記卷一百一十五考證

謹案卷一百十三第一頁後四行畧陸梁地以為
南海桂林象郡刊本桂訛鬱據秦本紀改

第一頁後八行即穴流泉刊本流下行東字據漢
書注刪

第十頁前四行漢書亦作遲明刊本漢書下行史
記二字據毛本索隱刪

第十一頁前八行索隱述贊卒從勦棄諸本棄訛
絕與上制裔等韵不叶據毛本索隱改

卷一百十四第一頁前八行故字从虫門聲刊本
門訛閩據說文改

第二頁前二行水出永寧山刊本脫永字據毛本
索隱增

第四頁前六行有梅嶺在洪崖山刊本洪崖訛洪
崖據毛本索隱改

卷一百十五第一頁後四行番音普寒反刊本寒
訛蓋今改



總校官庶吉士臣侍朝

校對官檢討臣郭寅

謄錄監生臣劉垠

欽定四庫全書薈要

史部

史記卷一百十六
七

詳校官主事銜臣徐以坤



欽定四庫全書薈要卷三千六百九十四

史部

史記卷一百十六

漢 太 史 令司馬遷 撰

宋 中郎外兵曹參軍裴駰集解

唐 國子博士弘文館學士司馬貞索隱

唐 諸王侍讀率府長史張守節正義

西南夷列傳第五十六

西南夷君長

正義在蜀之南

以什數夜郎最大

索隱劉氏數音所具反鄒氏音

所主反荀悅云夜郎捷為屬國也韋昭云漢為縣屬牂牁案後漢書云夜郎東接交趾其地在胡南其君長本出於竹以竹而為姓也正義今瀘州

南大江南岸協州曲州本夜郎國

其西靡莫之屬正義

在蜀南以下及西也靡非在姚州北去京

以什數滇最

西南四千九百三十五里即靡莫之夷

大集解如淳曰滇音顛滇馬出其國也索隱靡莫夷邑大名滇與同姓也崔浩云滇後為縣屬越窩太守所理

也正義昆州郎州等本滇國自滇以北君長以什數印去京西五千三百七十里也

都最大此皆魑結耕田有邑聚

索隱魑漢書作推音直迨反結音計

其外

西自同師以東

集解韋昭曰邑名也索隱漢書作桐師

北至樸榆

集解韋昭曰在

益州樸音葉正義上音樸樸澤在靡北百餘里漢樸榆縣在澤西益都靡非本桑榆王屬國也

名為鴛

昆明

集解徐廣曰永昌有雋唐縣索隱崔浩云雋昆明二國名韋昭曰益州縣正義雋音髓今澧州也昆

明雋州縣蓋南接昆明之地因名也

皆編髮隨畜遷徙

正義編步典反畜許六反皆雋昆明

之俗也

毋常處毋君長地方可數千里自雋以東北君長

以什數徙笮都最大

集解徐廣曰徙在漢嘉笮音昨在越雋索隱服虔云徙笮二國名韋

昭云徙縣在蜀笮縣在越雋正義徙音斯括地志云笮州本西蜀徼外白猫羌雋地理志云徙縣也華陽國志

雅州邛邛山本名邛笮山故邛人笮人界

自笮以東北君長以什數冉駹最

大索隱案應劭云汶江郡本冉駹音亡江反正義括地志云蜀西徼外羌茂州冉州本冉駹國地也後漢書

云冉駹其山有六夷七羌九氏各有部落也

其俗或土著或移徙在蜀之西

自冉駹以東北君長以什數白馬最大

索隱案夷邑名即白馬氏也正

義括地志曰隴右成州武州皆白馬氏其豪族楊氏居成州仇池山上

皆氏類也此皆巴

蜀西南外蠻夷也始楚威王時使將軍莊蹻

正義蹻其畧反郎州

昆州即莊蹻所王

將兵循江上畧巴蜀黔中以西莊蹻者故楚

莊王苗裔也

索隱蹻音矩灼反楚莊王弟為盜者

蹻至滇池地方三百里

索隱地理志益州滇池縣澤在西北後漢書云其池水源深廣而更淺狹有似倒流故謂滇池正義括地志云滇池澤在昆州晉寧縣西南三十里其水旁平地肥饒源深廣而更淺狹有似倒流故謂滇池

數千里以兵威定屬楚欲歸報會秦擊奪楚巴黔中郡

道塞不通因還以其衆王滇變服從其俗以長之秦時

常頗

集解駟案音案

畧通五尺道

索隱謂棧道廣五尺正義括地志云五尺道在郎州顏師

古云其處險阨故道纔廣五尺如淳云道廣五尺也

諸此國頗置吏焉十餘歲秦

滅及漢興皆棄此國而開蜀故徼巴蜀民或竊出商賈

取其笮馬棘僮

正義今益州南戎州北臨大江古棘國

髦牛以此巴蜀殷

富

索隱帝昭云棘屬犍為音蒲北反服虔曰舊京師有棘婢

建元六年大行王恢擊

東越東越殺王郢以報恢因兵威使番陽令

正義番音婆

唐

蒙風指曉南越南越食蒙蜀枸醬

集解徐廣曰枸一作蒟音窶駟案漢書音

義曰枸木似穀樹其葉似桑葉用其葉作醬酢美蜀人
以為珍味索隱案晉灼枸音矩劉德云枸樹如桑其椹
長二三寸味酢取其實以為醬美小顏云枸者緣木而
生非樹也今蜀土家出枸實不長二三寸味辛似薑不
酢劉說非也廣志云枸色黑蒙問所從來曰道西北群
夷辛下氣消穀窶音求羽反蒙問所從來曰道西北群
夷正義崔浩云群夷繫船杙也常氏華陽國志云楚頃
襄王時遣莊蹻伐夜郎軍至且蘭枵船於岸而步戰
既滅夜郎以且蘭有枵船枵處乃改其名為群夷群夷江廣數里出番禺城下

蒙歸至長安問蜀賈人賈人曰獨蜀出枸醬多持竊出
市夜郎夜郎者臨群夷江江廣百餘步足以行船南越
以財物役屬夜郎西至同師然亦不能臣使也蒙乃上

書說上曰南越王黃屋左纛地東西萬餘里名為外臣
實一州主也今以長沙豫章往水道多絕難行竊聞夜
郎所有精兵可得十餘萬浮船牂牁江出其不意此制
越一奇也誠以漢之疆巴蜀之饒通夜郎道為置吏易
甚上許之乃拜蒙為郎中將將千人食重萬餘人索隱案食
糧及輜重車也音持用反從巴蜀笮關入遂見夜郎侯多同蒙厚賜
喻以威德約為置吏使其子為令夜郎旁小邑皆貪漢
繒帛以為漢道險終不能有也乃且聽蒙約還報乃以

為犍為郡發巴蜀卒治道自犍道指牂牁江

索隱崔浩云牂牁繫

船棹以為地名道猶從也地理志夜郎又有豚水東至南海四會入海此牂牁江也

蜀人司馬相

如亦言西夷邛笮可置郡使相如以郎中將往喻皆如

南夷為置一都尉十餘縣屬蜀當是時巴蜀四郡

集解徐廣

曰漢中巴郡廣漢蜀郡

通西南夷道成轉相饗數歲道不通士罷

餓離濕死者甚衆西南夷又數反發兵興擊耗費無功

上患之使公孫弘往視問焉還對言其不便及弘為御

史大夫是時方築朔方以據河逐胡弘因數言西南夷

害可且罷專力事匈奴上罷西夷獨置南夷夜郎兩縣

一都尉

集解徐廣曰元光六年南夷始置郵亭

稍令犍為自葆就

正義令犍為自

葆守而漸修成其郡縣也

及元狩元年博望侯張騫使大夏來言居

大夏時見蜀布邛竹杖

集解常昭曰邛縣之竹屬蜀犍曰邛山名此竹節高實中可作

杖使問所從來曰從東南身毒國

集解徐廣曰字或作竺漢書直云身毒史

記一本作乾毒駟案漢書音義曰一名天竺則浮屠胡是也索隱身音捐毒音篤小顏亦曰捐篤也

可數

千里得蜀賈人市或聞邛西可二千里有身毒國騫因

盛言大夏在漢西南慕中國患匈奴隔其道誠通蜀身

毒國道便近有利無害於是天子乃令王然于栢始昌

呂越人等使間出西夷西指求身毒國至滇滇王嘗羌

集解徐廣曰

嘗一作賞乃留為求道西十餘輩歲餘皆閉昆明

集解

如淳曰為昆明所閉道正義

昆明在今舊州南昆縣是也莫能通身毒國滇王與漢

使者言曰漢孰與我大及夜郎侯亦然以道不通故各

自以為一州主不知漢廣大使者還因盛言滇大國足

事親附天子注意焉及至南越反上使馳義侯因犍為

發南夷兵且蘭君恐遠行旁國虜其老弱

索隱且音子餘反小國名

也後為縣
屬牂牁

乃與其衆反殺使者及犍為太守漢乃發巴

蜀罪人嘗擊南越者八校尉擊破之會越已破漢八校

尉不下即引兵還行誅頭蘭

索隱即
且蘭也

頭蘭常隔滇道者

也已平頭蘭遂平南夷為牂牁郡夜郎侯始倚南越南

越已滅會還誅反者夜郎遂入朝上以為夜郎王南越

破後及漢誅且蘭邛君并殺笮侯冉駹皆振恐請臣置

吏乃以邛都為越雋郡笮都為沈犂郡冉駹為汶山郡

集解應劭曰
今蜀郡岷江

廣漢西白馬為武都郡上使王然于以越

破及誅南夷兵威風喻滇王入朝滇王者其衆數萬人
其旁東北有勞漫靡莫皆同姓相扶未肯聽勞漫靡莫
數侵犯使者吏卒元封二年天子發巴蜀兵擊滅勞漫
靡莫索隱二國與滇王同姓以兵臨滇滇王始首善以故弗誅滇
王離難西南夷舉國降請置吏入朝於是以為益州郡
賜滇王王印復長其民西南夷君長以百數獨夜郎滇
受王印滇小邑最寵焉

太史公曰楚之先豈有天祿哉在周為文王師封楚及

周之衰地稱五千里秦滅諸侯唯楚苗裔尚有滇王漢
誅西南夷國多滅矣唯滇復為寵王然南夷之端見枸
醬番禺大夏杖叩竹西夷後揃割分二方

集解駟案漢書音義曰揃

音翦索隱揃謂被分割也割音匹妙反言西夷後被揃割遂割居西南二方各屬郡縣割亦分義

卒為

七郡

集解徐廣曰犍為牂牁越雋益州武都沈犂汶山地也

索隱述贊曰西南外徼莊蹻首通漢因大夏乃命唐蒙勞漫靡莫異俗殊風夜郎最大叩作稱雄及置郡

縣萬代推功

史記卷一百十六

史記卷一百一十六考證

西南夷列傳自雋以東北君長以什數徙筰都最大集

解徐廣曰徙在漢嘉筰音昨在越雋○

臣照

按華陽

國志曰汶山曰夷南中曰昆明漢嘉越雋曰筰蜀曰
邛與徐所說不同

乃拜蒙為郎中將○華陽國志作中郎將

史記卷一百一十六考證

欽定四庫全書薈要卷三千六百九十五

史部

史記卷一百十七

漢

太

史

令司馬遷

撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

司馬相如列傳第五十七

索隱右不宜在
西南夷之下

司馬相如者蜀郡成都人也字長卿少時好讀書學擊

劒索隱呂氏春秋劒伎云持短入長倏忽縱橫之術也魏文典論云餘好擊劒以短乘長是也故其

親名之曰犬子索隱孟康云愛而字之也相如既學索隱案秦宓云文翁遣相如受

七經慕藺相如之為人更名相如以貲為郎事孝景帝為

武騎常侍索隱張揖曰秩六百石常侍從格猛獸非其好也會景帝不好

辭賦是時梁孝王來朝從游說之士齊人鄒陽淮陰枚

乘吳莊忌夫子之徒集解徐廣曰名忌字夫子索隱案鄒陽傳云枚先生嚴夫子則此夫

子是美稱時人以為號爾而徐廣云字為非漢書作嚴忌者案忌本姓莊避明帝諱莊改姓嚴也相如

見而說之因病免客游梁梁孝王令與諸生同舍相如
得與諸生游士居數歲乃著子虛之賦會梁孝王卒相
如歸而家貧無以自業素與臨邛令王吉相善吉曰長
卿久宦遊不遂而來過我於是相如往舍都亭

索隱案
臨邛郭

下之亭也臨邛令繆為恭敬日往朝相如相如初尚見之後

稱病使從者謝吉吉愈益謹肅臨邛中多富人而卓王
孫家僮八百人程鄭亦數百人二人乃相謂曰令有貴
客為具召之并召令令既至卓氏客以百數至日中謁

司馬長卿長卿謝病不能往臨邛令不敢嘗食自往迎

相如相如不得已彊往一坐盡傾酒酣臨邛令前奏琴

曰竊聞長卿好之願以自娛相如辭謝為鼓一再行

索隱

案古樂府長歌行短歌行皆曲引也此言鼓一再行謂一兩曲是時卓王孫有女文君

新寡好音故相如繆與令相重而以琴心挑之

集解郭璞曰以

琴中音挑動之索隱張揖云挑繞也以琴中繞之挑音徒了反繞音如了反其詩曰鳳兮鳳兮歸故鄉遊遨四

海求其皇有一艷女在此堂室適人遐毒我腸何由交接為鴛鴦又曰鳳兮鳳兮從皇棲得托子尾永為妃交

情通體必和諧中相如之臨邛從車騎雍容閒雅甚都夜相從別有誰

集解韋昭曰閒讀曰閑甚得都邑之容也郭璞曰都猶姣也詩曰洵美且都

及飲卓氏弄琴

文君竊從戶窺之心悅而好之恐不得當也既罷相如

乃使人重賜文君侍者通殷勤文君夜亡奔相如

索隱郭璞

云婚不以禮為節也相如乃與馳歸家居徒四壁立

集解郭璞曰言貧窮也索

隱案孔文祥云徒空也家空無資儲但有四壁而已言就此中以安立也

卓王孫大怒曰女

至不材我不忍殺不分一錢也人或謂王孫王孫終不

聽文君父之不樂曰長卿第俱如臨邛

索隱文穎云第且也郭璞云第

發語之急耳如往也

從昆弟假貸猶足為生何至自苦如此相如

與俱之臨邛盡賣其車騎買一酒舍酤酒而令文君當

鑪

集解韋昭曰鑪酒肆也以土為墮邊高似鑪

相如身自著犢鼻褌

集解韋昭曰今

三尺布作形如犢鼻褌此者言其無耻也今銅印言犢紐此其類矣

與保庸雜作

集解駢案方言

保庸謂之甬南方奴婢賤稱也

滌器於市中

集解韋昭曰瓦器也每食必滌溉者

卓王孫

聞而恥之為杜門不出昆弟諸公

集解郭璞曰諸公父行也

更謂王

孫曰有一男兩女所不足者非財也今文君已失身於

司馬長卿長卿故倦游

集解郭璞曰厭游宦也

雖貧其人材足依

也且又令客獨奈何相辱如此卓王孫不得已分予文

君僮百人錢百萬及其嫁時衣被財物文君乃與相如

歸成都買田宅為富人居久之蜀人楊得意為狗監侍

上

集解郭璞曰主獵犬也

上讀子虛賦而善之曰朕獨不得與此

人同時哉得意曰臣邑人司馬相如自言為此賦上驚

乃召問相如相如曰有是然此乃諸侯之事未足觀也

請為天子游獵賦賦成奏之上許令尚書給筆札相如

以子虛虛言也為楚稱

集解郭璞曰稱說楚之美

烏有先生者

集解徐廣

曰烏一烏有此事也為齊難

集解郭璞曰詰難楚事也

無是公者無

是人也明天子之義

集解郭璞曰以爲折中之談也

故空藉此三人爲

辭

索隱藉音假借與積同音

以推天子諸侯之苑囿其卒章歸之於

節儉因以風諫奏之天子天子大說其辭曰楚使子虛

使於齊齊王悉發境內之士備車騎之衆與使者出田

田罷子虛過詫烏有先生

集解郭璞曰詫誇也音託夏反索隱過音戈詫音勃亞反

而無是公在焉坐定烏有先生問曰今日田樂乎子虛

曰樂獲多乎曰少然則何樂曰僕樂齊王之欲夸僕以

車騎之衆而僕對以雲夢之事也曰可得聞乎子虛曰

可王駕車千乘選徒萬騎田於海濱列卒滿澤罟罔彌

山

集解郭璞曰罟罟也音浮正義說文云罟兔罟也今幡車罟也彌竟也

拚兔犇鹿射麋

腳麟

集解徐廣曰麟音各駟案郭璞曰腳持足犇車轢索隱韋昭云腳謂持一脚也司馬彪曰腳持也說

文云持偏引一脚也

驚於鹽浦割鮮染輪

集解郭璞曰鹽浦海邊地多鹽鹵鮮生肉也染

擣也音而沿反又音而悅反擣之於輪鹽而食之驚馳也音務索隱染或為淬與下文脔割輪淬意同也射

中獲多矜而自功顧謂僕曰楚亦有平原廣澤游獵之

地饒樂若此者乎楚王之獵何與寡人

集解郭璞曰與猶如也

僕

下車對曰臣楚國之鄙人也幸得宿衛十有餘年時從

出游游於後園覽於有無然猶未能徧覩也又惡足以
言其外澤者乎齊王曰雖然畧以子之所聞見而言之
僕對曰唯唯臣聞楚有七澤嘗見其一未覩其餘也臣

之所見蓋特其小小者耳

索隱郭璞云特獨也

名曰雲夢

索隱褚詮音亡

棟反又音莫風反裴駰云孫叔敖激沮水作此澤張揖云楚藪也在南郡華容縣郭璞曰江夏安陸有雲夢城南郡枝江亦有雲夢城華容縣又有巴丘湖俗云即古雲夢澤也則張揖云在華容者指此湖也今案安陸東見有雲夢城雲夢縣而枝江亦有者蓋縣名遠取此澤故有城也

雲夢者方九百里其

中有山焉其山則盤紆第鬱隆崇律岑巖參差日月

蔽虧

集解駢案漢書音義曰高山壅蔽日月虧缺半見索隱案漢書注此卷多不題注者姓名解者云是

張揖亦兼有餘人也

交錯糾紛上干青雲罷池陂陲下屬江河其

土則丹青赭堊

集解徐廣曰一作瑕索隱張揖云赭赤土出少室山堊白堊本草云一名白塏

也雌黃白垺

集解徐廣曰音符駢案漢書音義曰白垺白石英也索隱白垺出魯陽山蘇林音附

正義藥對曰雌黃出武都山谷與雄黃同山

錫碧金銀

正義顏云錫青金也碧謂玉之青白色者

也

衆色炫燿照爛龍鱗

集解郭璞曰如龍之鱗采

其石則赤玉玫瑰

集解郭璞曰赤瑾也見楚辭玫瑰石珠也

琳瑯琨瑀

集解駢案漢書音義曰琳球也珉石次玉者琨

瑀山名也出善金尸子曰昆吾之金者索隱司馬彪曰琨瑀石之次玉也河圖云流州多積石名琨瑀石鍊之

成鐵以作釵光明如水

瑊玕玄厲

集解徐廣曰瑊音古咸反玕音勒皆次玉

者駟案漢書音義曰玄厲黑石可用磨者

瑊石武夫

集解徐廣曰石似玉駟案漢書音義曰瑊石出

鴈門武夫出長沙也

其東則有蕙圃衡蘭芷若射干穹窮昌蒲

集解

駟案漢書音義曰衡杜衡也其狀若葵其臭如麝蕙芷白芷若杜若也索隱司馬彪云蕙香草也本草云薰草

一名蕙廣志云蕙草綠葉紫莖魏武帝以此燒香今東下田有草莖葉似麻其華正紫也張揖云衡杜衡東下

田有草生天帝之山案山海經云葉如葵臭如麝蕙可以走馬博物志云一名土杏味亂細辛葉似葵故藥對

亦以為似細辛也蘭秋蘭本草云芷一名茝卑蒼云齊茝一曰囂字林曰茝音昌亥反又音昌里反囂音火高

反本草又曰杜若一名杜衡今杜若葉似薑而有文理莖葉皆有長毛古今名號不同故其所呼別也廣雅云

烏蓬射干本草名烏翦也司馬彪云芎藭似藁本郭璞云今歷陽呼為江離淮南子云夫亂人者若芎藭之與

藁本

江離藁蕪諸蔗獐且

集解徐廣曰獐音匹沃反駟藁漢書音義曰江離香草藁

蕪蘄芷也似蛇床而香諸蔗甘柘也獐且藁荷也索隱吳錄曰臨海縣海水中生江離正青似亂髮即離騷所

云者是也廣志云赤葉紅花則與張勃所說又別案今芎藭苗曰江離綠葉白華又不同樊光曰藁本一名藁

蕪根名蘄芷藥對以為藁蕪一名江離芎藭苗也則芎

藭藁本江離藁蕪並相似備是一物也獐音普各反且

音子餘反漢書作已且文類云已

焦也郭璞以為藁荷屬未知孰是

其南則有平原廣澤

音移藁案

登降陟靡

集解駟案

案衍壇曼

索隱司馬彪云案衍盛下壇曼平博也衍音弋

單反壇音

緣以大江限以巫山

集解郭璞曰巫山今在建平巫縣也

其高

燥則生葳薺苞荔

集解徐廣曰葳音針馬藍也薺或曰草生水中華可食荔音力詣反草似

蒲駟案漢書音義曰苞薺也索隱薺音斯郭璞云葳酸醬江東名烏葳折漢書作斯孟康云斯禾似燕麥廣志

云涼州地生析草皆如中國燕麥是也

薛莎青蘋

集解徐廣曰薛音先結反駟案漢書音義曰薛

賴蒿也莎鎬侯也青蘋似莎而大也音煩

其卑濕則生藏蓂薨葭葭東薨雕胡

集解徐廣曰烏桓國有薨似蓮草實如葵子十月熟駟案漢書音義曰藏似薨而葉大蓂蓂尾草也薨薨也葭

蘆也索隱卑音婢卑下也郭璞云蓂尾似茅薨葭音兼加孟康云薨葭似蘆也郭璞云薨薨也似薨而細小江

東人呼為薨蒿又云薨蘆也似葦而細小江東人呼為烏薨薨音五患反薨音敵廣志云東薨子色青黑河西

記云薨我東薨償我白梁也雕胡謂菰米

蓮藕菰蘆

集解徐廣曰生水中索隱郭璞云菰蔣也蘆葦

也菴蘭軒芋

集解駉案漢書音義曰菴間蒿也軒芋猶草也索隱郭璞云菴蘭子可療病也軒芋生水

中今揚州有也

衆物居之不可勝圖

集解郭璞曰圖畫也

其西則有湧泉清

池激水推移外發芙蓉菱華內隱鉅石白沙其中則有神

龜蛟鼉

正義郭注山海經云蛟似蛇而四腳小頭細頸有白嬰大者數十圍卵生子如一二斛瓮吞人鼉似蜥蜴

而大身有甲瑋瑋正義似背鰐甲有文出皮可以冒鼓

鼈鼉其北則有

陰林巨樹榎栲豫章

集解郭璞曰榎杞也似梓栲葉似桑豫章大木也生七年乃可知也正義

按溫活人云豫今之枕木也章今之樟木也二木生至七年枕樟乃可分別

桂椒

正義郭云桂似枇杷葉而

大白花而不著子藂生巖嶺間無雜木冬夏常青按今諸寺有桂樹葉若枇杷而小光靜冬夏常青其皮不中食

蓋二色桂樹

木蘭

正義廣雅云似桂皮辛可食葉冬夏常似春其實如小甘辛美南人以為梅也

藥離

朱楊

集解徐廣曰藥音扶戾反駟案郭璞曰木蘭樹皮辛香可食漢書音義曰離山梨朱楊赤楊也索隱郭璞

云朱楊赤莖柳生水邊

爾雅云檉河柳是也

櫨栳栳栗橘柚芬芳

集解徐廣曰栳音郢駟案

漢書音義曰栳栳棗也正義小曰橘大曰柚樹有刺冬不凋葉青花白子黃亦二樹相似非橙也

其上則

有赤猿蠼螋

集解徐廣曰音劬柔正義蠼螋音柔皆猿猴類

鵠雛孔鸞騰遠射

干

集解郭璞曰鵠雛鳳屬也孔孔雀鸞鳥也駟案漢書音義曰騰遠鳥名射干似狐能緣木索隱孟康云騰遠

鳥名非也司馬彪云騰遠蛇也郭璞云騰蛇龍屬能興雲霧

其下則有白虎元豹螭

羆豸

集解郭璞曰螭大獸長百尋羆似狸而大駟案漢書音義曰豸胡地野犬似狐而小也索隱應劭云豸

音顏韋昭一音岸鄒誕
生音苦姦反協音是

兕象野犀

正義兕狀如水牛象大獸長鼻牙長一丈俗呼

為江獫狁頭似獫一角
在額漢書無此一句

窮奇獫狁於是乃使專諸之倫手

格此獸楚王乃駕馴駁之馬

集解駮案漢書音義曰馴擾也駁如馬白身黑尾一

角鋸牙食虎豹駕
之以當駟馬也

乘雕王之輿靡魚須之橈旃

集解郭璞曰以

海魚須為旒旌言橈
弱也通帛為旃也

曳明月之珠旗

集解駮案漢書音義曰以明月珠綴

節建干將之雄戟

集解駮案漢書音義曰干將韓王劍師雄戟胡中有鉅干將所造也索隱

應劭曰干將吳善冶者姓如淳曰干將鐵所出晉灼曰闔閭鑄干將劍應劭說是方言云戟中小子刺者所謂雄戟也周處風土記云戟為五兵雄也鉅音巨案周禮冶氏為戈胡三之注云胡其子也又周禮圖謂戟支曲下為胡也

左烏嗥之雕弓

索隱張揖云黃帝乘龍上仙小臣不得上挽持龍髯髯拔墮黃帝弓羣臣抱弓

而號故名烏號見封禪書及郊祀志文又韓詩外傳云弓工之妻曰此弓是太山南烏號之柘案淮南子云烏

號柘桑其材堅勁烏棲其上將飛枝勁復起標呼其上伐取其材為弓因曰烏號古史考風俗通皆同此說也

右夏服之勁箭

集解徐廣曰韋昭云夏夏羿也矢室名曰服呂靜曰步又謂之服也索隱案夏

羿善射者又服箭之室故云夏服又夏后氏有良弓名繁弱其矢亦良即繁弱箭服也

陽子驂乘

纖阿為御

集解駙案漢書音義曰陽子仙人陽陵子纖阿月御也韋昭曰陽子古賢也索隱張揖云

陽子伯樂也孫陽字伯樂秦穆公臣善御者也或曰纖阿美女姣好貌又樂彥曰纖阿山名有女子處其巖月

歷數度躍入月中因為月御案節未舒索隱郭璞曰言也郭璞云纖阿古之善御者案節未舒頓轡也司馬彪

云業轡而行得節故曰案節馬
足未展故曰未舒亦為得也
即陵狡獸犇叩叩蹇距

虛集解郭璞曰叩叩似馬而色青距虛即叩叩變文軼

野馬而轉駒集解徐廣曰轉音銳駒案郭璞曰野馬如馬而小駒駒似馬轉車軸頭索隱轉

音銜謂軸頭轉而殺乘遺風而射游騏集解騏音義曰遺風千

里馬爾雅曰爲如馬一角不角者騏也索隱呂氏春秋云遺風之乘古今注曰秦始皇馬名韋昭曰騏如馬無

角非麒麟之儵聃淒淒集解徐廣曰淒音七見反淒音力詣反駟案漢書音義曰皆疾

貌雷動燁至星流霆擊弓不虛發中必決皆集解韋昭曰在目所

指中必決洞胷達腋絕乎心繫獲若雨獸揜草蔽地於

是楚王乃弭節裴回

集解郭璞曰或云節今之所枝信節也索隱司馬彪云弭猶伏也

翱翔容與

索隱郭璞曰言自得覽乎陰林觀壯士之暴怒與猛獸

之恐懼微飢受訕

集解徐廣曰飢音劇駟案郭璞曰飢疲極也訕盡也言獸有倦游者則微

而取之索隱司馬彪云微遮也飢倦也謂遮其倦者飢音劇訕音屈說文云飢勞也燕人謂勞為飢微音古亮

反殫睹衆物之變態於是鄭女曼姬

集解郭璞曰曼姬謂鄭曼姬婦人之

總稱正義文穎云鄭國出好女曼者其色理曼澤也如淳云鄭女夏姬也曼姬楚武王夫人鄭

被阿錫

集解駟案漢書音義曰阿細縵也錫布也正義按東阿出縵也

揄紵縞集解徐廣曰揄音史正義揄曳

也韋云紵之色若縞也縵云紵織紵也縞鮮文也

雜纖羅疉霧縠

集解郭璞曰言細如霧疉

以覆頭

襞積褰縐紆徐委曲鬱撓谿谷

集解駢案漢書音義曰襞積簡齧也

褰縮也

縐裁也

其縐中文理弗鬱迴曲有似於谿谷也

索隱小顏云此說非也襞積今之帶攝古謂之皮弁素

積是也蕪林曰褰縐縮蹙之也縐音側救反粉粉排排

齧音助草反裁音在代反曲字林音丘欲反

索隱郭璞曰衣長貌正揚施卹削

義上芳云反下方非反集解徐廣曰施音迤

義曰卹削裁制貌也索隱張蜚纖坐髻

音斐駢案郭璞

揖云揚舉也卹削刻除貌也

曰纖袿衣飾扶輿猗靡

集解郭璞曰淮南所謂曾折摩

髻髻髻也地扶輿猗委也正義與音餘猗

於綺反謂鄭女嬃姬侍從喻呬萃蔡

集解駢案漢書音義曰喻呬衣裳張

起也萃蔡衣聲也索隱韋昭云呬音呼甲反郭璞云萃蔡猶璀璨也正義呬火甲反萃音萃蔡千賄反下

摩蘭蕙上拂羽蓋錯翡翠之威蕤

集解徐廣曰錯音繆措或作錯紛翠蕤

繞玉綏

集解郭璞曰綏所執以登車正義顏云下摩蘭蕙謂垂髻也上拂羽蓋謂飛織也玉綏以玉飾

綏也言飛織垂髻錯雜翡翠之旌幡或繞玉綏也張揖云翡翠大小一如雀雄赤曰翡雌青曰翠博物志云翡

身通黑唯翳背上翼後有赤毛翠身通青黃唯六翮上毛長寸餘青其飛則羽鳴翠翡翠翡翠然因以為名也

縹乎忽忽若神仙之仿佛

正義佛言似神仙也戰國策云鄭之美女粉白黛黑而立

於衛不知者謂之神仙

於是乃相與獠於蕙圃

集解郭璞曰獠獵也音遼索隱爾雅

云宵獵

嬖珊勃窣上金隄

索隱嬖珊音素忽反下也窣音素忽反

揜翡翠射

鵠鷄

集解駢案漢書音義曰鵠鷄鳥似鳳也索隱司馬彪曰鵠鷄山雞也許慎云驚鳥也郭璞曰似鳳有

光彩音浚宜李彤云鵠神鳥飛光竟天也

微矰出纖繳施

集解徐廣曰繳音斫

弋白

鵠連駕鵠

集解郭璞曰野鵠也駕音加索隱爾雅云舒鴈鵠也正義鵠水鳥也駕鵠連謂兼獲也抱

朴子云千歲之鵠純白能登於木

雙鵠下玄鶴加

集解郭璞曰詩云弋言加之是也正義司

馬彪云鵠似鴈而黑亦呼為鵠括韓詩外傳云胎生也相鶴經云鵠壽二百六十歲則色純黑按弋雙鵠既下

又加玄鶴之上也

急而後發游於清池浮文鵠

集解駉案漢書音義曰鵠水鳥

也畫其象於船首淮南子曰龍舟鵠首天子之乘也

揚桂枻

集解徐廣曰音戔駉案韋昭曰枻櫓也

張翠帷建羽蓋罔璫瑁鈞紫貝

集解郭璞曰紫質黑文也正義毛詩蟲魚疏云

貝水之介蟲大者蚌音下郎反小者為貝其白質如玉紫點為文皆成行列當大者徑一尺小者七八寸今九

真交趾為杯盤寶物也

貨殖傳云貝寶龜是也

擬金鼓吹鳴籟集解駢案漢書音義曰擬撞也

籟蕭也

榜人歌

集解郭璞曰唱歌也榜船也音謗

聲流喝

集解徐廣曰烏邁反

水蟲

駭波鴻沸涌泉起奔揚會礪石相擊礪礪磻磻若雷霆

之聲聞乎數百里之外將息獠者擊靈鼓

集解郭璞曰靈鼓六面也

起烽燧車案行騎就隊纚乎淫淫班乎裔裔

集解郭璞曰皆羣行

貌於是楚王乃登陽雲之臺

集解徐廣曰宋玉云楚王游於陽雲之臺駢案郭璞

曰在雲泊乎無為澹乎自持勺藥之和具而後御之

集解

郭璞曰勺藥五味也

不若大王終日馳騁而不下輿將割輪淬自

以為娛

集解徐廣曰淬千內反駟案郭璞曰將膊淬染也將音驚也

臣竊觀之齊殆

不如於是王默然無以應僕也烏有先生曰是何言之

過也足下不遠千里來況齊國

集解郭璞曰言有患況也

王悉發境

內之士而備車騎之衆以出田乃欲戮力致獲以娛左

右也何名為夸哉問楚地之有無者願聞大國之風烈

先生之餘論也今足下不稱楚王之德厚而盛推雲夢

以為高奢言淫樂而顯侈靡竊為足下不取也必若所

言固非楚國之美也有而言之是章君之惡無而言之

是害足下之信章君之惡而傷私義二者無一可而先

生行之必且輕於齊而累於楚矣且齊東有巨海索隱有作

渚蘓林云渚音渚小洲曰南有琅邪集解郭璞曰山名在琅邪縣界正義

山名在密州東南百三集解徐廣曰在東萊觀乎成山不夜縣索隱張揖云

觀闕也於山上築宮闕郭璞言在小游觀音一喚反正義封禪書云成山斗入海言上山觀也括地志云成山

在萊州文登縣東射乎之罘集解駉案漢書音義曰之罘山在牟平縣射獵其上

也正義括地志云罘山在萊州文登縣浮勃澥集解駉案漢書

音義曰海別枝名也索隱案齊游孟諸集解郭璞曰宋都賦云海旁曰勃斷水曰澥也之藪澤名正義

周禮職方氏青州數曰望諸鄭玄云望諸孟豬也

邪與肅慎為隣

正義邪謂東北接之括地

志云靺鞨國古肅慎也亦曰挹婁在京東北八千四百里南去扶餘千五百里東及北各抵大海也

右以

湯谷為界

正義言右者北向天子也海外經云湯谷在黑齒北上有扶桑木水中十日所浴張揖云

日所出也許慎云熱如湯

炆田乎青丘傍俚乎海外

正義服虔云青丘國在海東三

百里郭云青丘山名上有田亦有國出九尾狐在海外

吞若雲夢者八九其於胃

中曾不蒂芥

索隱張揖云蒂芥刺鯁也郭璞云言不覺有也

若乃倂儻瑰偉異

方殊類珍怪鳥獸萬端鱗萃充仞其中者不可勝記禹

不能名契不能計

正義禹為堯司空辨九州土地山川草木禽獸契為司徒數五教主四方

會計言二人猶然在諸侯之位不敢言遊戲之樂範圍

之大先生又見客

索隱先生指子虛也如淳曰見賓客禮待故也李善曰言見先生是賓客

也是以王辭而不能復索隱郭璞曰復答也何為無用應哉無是

公听然而笑

集解郭璞曰听笑貌也索隱听音斷又音牛隱反

曰楚則失矣齊

亦未為得也夫使諸侯納貢者非為財幣所以述職也

封疆畫界者非為守禦所以禁淫也今齊列為東藩而

外私肅慎捐國踰限越海而田其於義故未可也且二

君之論不務明君臣之義而正諸侯之禮徒事爭游獵

之樂苑囿之大欲以奢侈相勝荒淫相越此不可以揚

名發譽而適足以貶君自損也且夫齊楚之事又焉足

道邪君未睹夫巨麗也獨不聞天子之上林乎左蒼梧

右西極集解郭璞曰西極國也正義文類云蒼梧郡屬交州在長安東南故言左爾雅云西至於豳國

為極在長安西故言右丹水更其南集解駉案漢書音義曰丹水出上洛冢領山紫淵

徑其北集解郭璞曰紫淵所未詳正義山海經云紫淵水出根耆之山西流注河文類云西河穀羅縣

有紫澤其水紫色注亦終始霸漚出入涇渭索隱張揖曰霸出藍

田西北而入渭漚亦出藍田谷北至霸陵入霸霸漚二水盡於苑中不出故云終始也涇渭二水從苑外來又

出苑去也涇水出安定涇陽縣筭頭山東至陽陵入
渭渭水出隴西首陽縣鳥鼠山東北至華陰入河 鄠

鄠潦滴

集解郭璞曰皆水流貌音決索隱張揖曰豐水出鄠縣南山豐谷北入涇渭鎬水在昆明池北

郭璞云鎬水豐水下流也應劭云潦流也滴涌出聲也
案張揖云滴水出南山姚氏云潦或作澇澇水出鄠縣

北注渭滴水出杜陵今名沉水自南山皇子陂西北流
注昆明池入渭案此文八川分流則從涇渭霸澮豐

鎬潦滴為八晉灼則云計從丹水以下至滴除潦為行
潦凡九從霸澮以下為數凡七案今滴既是水名除丹

水紫淵自霸以下通數適足八川是經營乎其內也又
潘岳閼中記曰涇渭霸澮豐鎬澇滴上林賦所謂八川

也分流

紆餘委蛇經營乎其內蕩蕩兮八川分流相背而

異態

集解郭璞曰八川名在上

東西南北馳騖往來出乎椒丘之闕

行乎洲淤之浦

集解郭璞曰椒丘丘名言有巖闕也見楚辭淤亦洲名蜀人云見方言索隱服

虔云丘名也案兩山俱起象雙闕故云椒丘之闕徑乎

桂林之中

集解郭璞曰桂林名也見南海經也

過乎決莽之野

集解駉案漢書

音義曰山海經所謂大荒之野

汨乎渾流順阿而下

集解郭璞曰阿大陵赴隘陝

之口觸穹石激堆埼

集解郭璞曰穹隆大石貌堆沙堆埼曲岸頭音祈

沸乎暴

怒洶涌滂潰

集解駉案洶音許勇反涌音勇滂音浦橫反潰音浦拜反索隱司馬彪曰洶湧跳起

貌澎湃波相振也湧或作容澎或作滂

渾渚淠汨

索隱司馬彪云渚淠盛貌淠汨去疾也正義畢

渤密三音汨于筆反溈測泌澌

集解郭璞曰溈測相迫也泌澌相揆司馬彪曰溈測相迫也泌澌相揆

也橫流逆折轉騰漈洄

索隱蘇林曰流輕疾也

彭漚沆漚

索隱漚亦作漚

司馬彪云漚漚水聲沆漚徐流也郭璞云鼓怒鬱鯁之貌也正義彭普彭反漚普祕反沆胡朗反漚胡代反

穹隆雲撓

索隱服虔云水急旋回如雲屈曲也郭璞云水隴起回窾也

蜿漣膠戾

索隱

司馬彪云蜿漣展轉也膠戾邪曲也音宛善交戾四音正義蜿漣音善

踰波趨汜

集解徐廣

曰烏狹反索隱司馬彪云踰波後陵前也趨汜輪於深泉也

莅莅下瀨

索隱司馬彪云莅莅聲也

音批巖衝壅

正義批白結反壅巖司馬彪云批反擊也壅曲隈也

犇揚滯沛

索隱

云滯沛水灑散貌滯音丑制反

臨坻注壑

正義坻音遲坻水中沙微起出水者也爾雅云水沚曰坻

壑壘澆潏霄墜

索隱澆音士湛反潏音士卓反說文云水之小聲也正義霄音隕墜直類反

湛湛

集解徐廣曰湛音沈

隱隱砰磅訇磕

正義砰披萌反磅蒲黃反訇呼宏反磕苦蓋反

皆水流鼓怒之聲也

滴滴淢淢淢淢淢淢沸

集解郭璞曰淢音歛立反淢音緝索隱郭璞云

皆水微轉細湧貌滴淢音決骨廣雅云淢淢決流也周成雜字云淢淢水沸之貌也

馳波跳沫

集解

徐廣曰一云吸呬

汨急漂疾

索隱晉灼云急音華給反郭璞云許立反汨急急轉貌也

悠遠

長懷

正義放散貌也

寂寥無聲肆乎永歸然後灝灝潢潢

正義晃養

二音郭云皆水無涯際也

安翔徐徊翺乎漤漤

索隱翺音鶴漤音編詩曰白鳥翺翺郭璞

音翺漤音昊也

東注大湖

正義太湖在蘇州西南

衍溢陂池於是

乎蛟龍赤螭

正義螭丑知反文穎云龍子為螭張揖曰雌龍也二說皆非廣雅云有角曰虬無角

曰螭按此皆龍類而非龍

魚鱗蜥離

集解徐廣曰蜥音斬駟案郭璞曰魚鱗也音亘曹蜥離未聞

正義鮠古鄧反鮠末鄧反李奇云周洛曰鮠蜀曰鮠出鞏山穴中三月遡河上能度龍門之限則為龍矣

鰕鰕鰕

集解徐廣曰鰕音娛皮有文出樂浪鰕音度鰕音託哆口魚駟案郭璞曰鰕似鰕而黑漢

書音義曰鰕似鯉而大也

禺禺鰕鰕

集解徐廣曰禺禺魚牛也鰕一作鰕駟案

漢書音義曰鰕比目魚也鰕鰕魚

捷鰕擢尾振鱗奮翼潛處于深巖魚

鼈謹聲萬物衆夥明月珠子玢璣江靡

集解郭璞曰靡崖也索隱應劭

云明月珠子生於江中其光耀乃照於江邊也

蜀石黃

碨集解郭璞曰碨石黃色也

水玉磊砢

集解郭璞曰水玉水精也

磷磷爛爛采色

本作鵝

羣浮于其上汎泛濫

索隱郭璞云皆鳥任風波自縱漂貌汎音馮泛

音芳汎汎汎羣浮也

隨風澹淡與波搖蕩掩薄草渚

正義掩覆

也薄依也言或依

草渚而遊戲也

集解郭璞曰菁水草呂氏春秋曰太湖之菁也索隱

左傳云蘋蘩藇藻即聚也正義唆

咀嚼淩藕於是乎崇

山龍從崔巍

正義龍力孔反從子孔反崔在

深林

鉅木斬巖參差

正義斬音咸又仕銜反參音楚林反差楚宜反顏云斬巖尖銳貌參差不齊也

九變截薛南山

集解駟案漢書音義曰九變山在左馮翊谷口縣西截薛山在池陽

縣北正義變子公反

巖陀

集解駟案音遲

甌錡推婁屈崎

集解郭璞

曰施崖際音魚晚反錡音蟻嶺音作罪反振谿通谷

索隱施音牙皆隆屈衆折貌崎音倚岨音掘注溪曰谷郭璞云振猶灑之也

曰蹇產谿呀谿間集解郭璞曰皆澗谷之形容也谿音屈折也

隱司馬彪云谿研大貌谿間空虛也

阜陵別島正義高平曰陸大陸曰阜歲魄裊羸正義歲於鬼反魄魚鬼反裊丘墟音律郭

墟音口忽反又口罪反隱韓鬱音律郭力罪反皆堆壘不平貌

降施靡正義郭璞云陂池音牙集解郭璞云陂音衣被

云陂池旁顏貌沈溶音容鬻音育張云水流陂音皮

史記十九

谿谷之間散渙夷陸

索隱司馬彪云夷平也廣平曰陸

亭臯千里靡不被築

集解郭璞曰言為亭候於臯隰皆築地令平賈山所謂隱以金椎也

掩以綠蕙

正義張云綠王芻也

蕙薰草也顏云綠蕙言蕙草色綠耳非王芻也爾雅云菜一名王芻

被以江離糅以蘼蕪

正義糅雜以流夷

集解駉索漢書音義曰流夷新夷也

專結縷

集解徐廣曰專古布

字一作怖駉索漢書音義曰結縷似白茅蔓聯而生布種之者也

攢戾莎

集解徐廣曰草可染紫

揭車衡蘭橐本射干

集解徐廣曰揭音桀駉索郭璞曰揭車一名乞與橐本橐本射干十

月生皆香草索隱索桐君藥錄橐本苗似芍藥

芷薑襄荷

索隱張揖云芷薑子薑也案四人月令生

薑謂之芷薑音紫正義襄人羊反柯根旁生笋若夫蓉可以為菹又治蠱毒也

歲橙若蓀

集解郭璞

曰歲未詳橙柚若蓀香草也索隱姚氏以為此前後皆
草非橙柚也漢書作歲持小顏云歲寒漿也持當為符
字之誤爾符鬼目也案今讀者亦呼為登謂登草也
姚氏云蓀草似昌蒲而無脊也生溪澗中蓀音孫

鮮

枝黃礫

集解郭璞云皆未詳索隱張揖云皆草也司馬
彪云鮮支即今支子或云鮮枝亦香草也小顏

云黃礫者黃
屑木恐非也

蔣芋青蘋

集解徐廣曰芋音佇駟案漢書
音義曰蔣菰也芋三稜索隱蘋

音煩布濩閼澤延曼太原麗靡廣衍應風披靡吐芳揚烈

集解郭璞曰
香酷烈也

郁郁斐斐衆香發越盼蠻布寫曖曖苾勃

正義曖曖奄愛二音皆芳香
之盛也詩云苾苾芬芬氣也

於是乎周覽泛觀瞋盼軋

沕集解徐廣曰瞋音田人反盼一
沕集解徐廣曰皆不可分貌

芒芒恍忽視之無端

察之無崖日出東沼入於西陂

索隱張揖云日朝出苑之東池暮入於苑西陂

也其南則隆冬生長踊水躍波獸則獮旄獬犛

集解徐廣曰獮

音容獸類也犛音狸一音茅駟案郭璞曰旄旄牛獬似

熊犀脚銳頭犛牛黑色出西南徼外也索隱郭璞云獮

獮牛領有肉堆即今之犛牛也張揖云旄旄牛其狀如

牛而四節生毛獬白豹也似熊犀脚銳鬣骨無髓食銅

鐵音陌犛音狸又音茅或

以為犛牛毛可為韜是也沈牛麀麀

集解駟案漢書音義曰沈牛水牛也

正義麀似鹿而

赤首圜題

集解郭璞曰題額也所未詳

窮奇象犀

集解

駟案漢書音義曰窮奇狀如牛而蜎毛其音如犛狗食

人也索隱郭璞云象大獸長鼻牙長一文犀頭似猪犀

脚一角

其北則盛夏含凍裂地涉冰揭河

集解郭璞曰言水漫凍不

在頭也

解地折裂也揭褰衣獸則麒麟角觶

集解郭璞曰角觶音端似豬角在鼻上堪作弓李陵嘗以

此弓十張遺蘇武也索隱張揖曰雄曰麒麟雌曰麟其狀麋身牛尾狼蹄一角郭璞云麒麟似麟而無角毛詩疏云

麟黃色角端有南京房傳云麟有五綵腹下有黃色也張揖云角端似牛角可以為弓

駟駘橐駝

蛩蛩駘駘駘驢騾

正義駟駘桃徒二音橐音託駘徒河反蛩音其恭反駘駘音顛奚駘

駘音於是乎離宮別館彌山跨谷

正義彌滿也跨猶騎也言宮館滿山又跨

豁谷也

高廊四注重坐曲閣

集解郭璞曰重坐重軒也曲閣閣道曲也

華榱壁

瑠頭索隱韋昭曰裁玉為璧以當榱

輦道纚屬步櫚周流

長途中宿

集解郭璞曰途樓閣間問陸道中宿言長遠也

夷巖築堂累臺增成

巖突洞房

集解郭璞曰巖山名平之以安堂其上成亦重也周禮曰為壇三成在巖穴底為室潛通

臺上者索隱服虔曰平巖山以為堂也張揖云重累而成之故曰增成突音一弔反釋名以為突幽也楚詞云

冬有突厦室寒王逸以為複室也俛杳眇而無見仰攀橈而捫天奔星

更於閨闈宛虹拖於楯軒

集解徐廣曰楯音食尹反正義拖音徒我反顏云宛虹屈

曲之虹拖謂中加於上也楯軒之闈板也言室宇之高故星虹得經加之青蚪蚺蟠於東箱

正義蚺一糾反象輿婉蟬於西清

集解駉案漢書音義曰山出象輿瑞應車也郭

璞曰西清西箱清淨地也正義婉蟬宛善二音顏云蚺蟠婉蟬皆行動之貌也靈囿燕於間觀

集解郭璞曰靈囿淳園仙人名也索隱張揖云靈囿衆仙號淮南子云騎飛龍從淳園是也倕倕之

倫暴於南榮

集解駢案漢書音義曰倭倭仙人名也索隱韋昭云古仙人姓倭列仙傳云槐里採

藥父也食松形體生毛數寸方眼能行逮走馬也應劭曰南榮屋簷兩頭如翼也故鄭玄云榮屋翼也高誘云

飛榮似鳥舒是也

醴泉涌於清室通川過乎中庭槃石

振崖

集解徐廣曰振音脣索隱如淳曰振音振振盛也李奇云振整也整頓池外之厓音之忍反

欽

巖倚傾差戕礫礫

集解徐廣曰戕一作池礫音雜礫音五合反索隱埤蒼云礫礫高貌礫音

士劫反礫音五緝反又字林音礫才匣反礫五匣反

刻削崢嶸

正義郭云言自然若彫刻也

玫

瑰碧琳珊瑚叢生

正義郭璞曰珊瑚生水底石邊大者樹高三尺餘枝格交錯無有葉者也

璫玉旁唐

索隱郭璞云旁唐言盤薄

璚瑋文鱗

集解徐廣曰璚音彬瑋音班

赤瑕

駁犖

索隱說文云瑕玉之小赤色張揖曰赤玉也司馬彪云駁犖采點也犖音洛角反

雜重其

間

集解徐廣曰雜一云插車一云選

垂綏琬琰和氏出焉

集解徐廣曰垂綏一作朝

采駟案郭璞曰汲冢竹書曰桀伐岷山得女二人曰琬

曰琰桀愛二女斲其名于苔華之玉苔是琬華是琰也

於是乎盧橘夏孰

集解郭璞曰今蜀中有給客橙似橘而非若柚而芬香冬夏華實相繼或

如彈丸或如拳通歲食之即盧橘也索隱應劭云伊尹書曰果之美者箕山之東青鳥之所有盧橘夏熟晉灼

曰此雖賦上林博引異方珍奇不係於一也案廣州記云盧橘皮厚大小如甘酢多九月結實正赤明年二月

更青黑夏熟吳錄云建安有橘冬月樹上覆晷明年夏色變青黑其味甚甘美盧即黑色是也

黃甘橙

楸

集解徐廣曰音湊橘屬

枇杷樵柿

集解徐廣曰樵音而善反果也索隱張揖云樵樵支香草

也韋昭曰樵音汝蕭反郭璞云樵支木也樵音烟此說為近說文曰樵酸小棗也淮南子云伐樵棗以為矜音

勤
檮柎厚朴

集解徐廣云檮音亭山梨索隱司馬彪曰上黨謂之檮柎齊都賦云檮柎熟也厚朴

藥名
栲棗楊梅

集解徐廣曰栲音弋井反栲棗似柿索隱張揖曰楊梅實似穀子而有核其味

酢出江南荆揚異物志其實外內著核熟時正赤味甘酸也

櫻桃蒲陶

集解郭璞曰蒲陶似燕蓂

可作酒也索隱張揖云櫻桃一名舍桃呂氏春秋云鶯鳥所舍故曰舍桃爾雅謂之荆桃也

隱夫鬱

棣柎檮荔枝

集解徐廣曰鬱一作真柎音谷駟案郭璞曰鬱車下李也棣實似櫻桃柎檮似李棣

音連柎音沓隱夫未聞索隱晉灼曰荔枝大如雞子皮麤剝去皮肌如雞子中黃其味甘多酢少廣志云樹高五六丈如桂樹綠葉冬夏青茂有華朱色荔枝字或作離音力致反

羅乎後宮列乎北園

貽丘陵

集解郭璞曰貽猶延也音施

貽

下平原揚翠葉杌紫莖

集解郭璞曰杌

搖發紅華秀朱榮煌煌扈扈照曜鉅野沙棠櫟櫨

集解

漢書音義曰沙棠似棠黃華赤實其味如李呂氏春秋曰果之美者沙棠之實櫟果名櫨似樵葉冬不落也

華汜櫨櫨

集解徐廣曰汜一作楓駟案漢書音義曰華木皮可以為索也索隱古今字林云櫨合櫨

也郭璞云楓似白楊葉圓而歧有脂而香捷為舍人曰楓為樹厚葉弱莖大風則鳴故曰攝攝攝平仲木也

亦云火櫨木一云玉精食其子得為神仙也

留落胥餘仁頻并閭

集解徐廣曰頻一作

賓駟案郭璞曰落獲也胥餘似并閭并閭搜也皮可作索餘未詳索隱晉灼曰留闕未詳司馬彪云胥邪樹高

十尋葉在其末異物志實大如瓠繫在顛若挂物實外有皮中有核如胡桃核裏有膚厚半寸如猪膏裏有汁

斗餘清如水味美於蜜也孟康曰仁頻也姚氏云
櫟一名櫟即仁頻也林邑記云樹葉似甘蔗頻音賓

檀木蘭豫章女貞

集解駟案漢書音義曰櫟檀檀別名也女貞木葉冬不落索隱櫟音讒皇

覽云孔子墓後有櫟檀樹也荊州記宜都有喬木叢生名為女貞

長千仞大連抱夸條

直暢實葉後茂攢立叢倚連卷累俛崔錯發翫

集解駟案古委

字

阮衡間砢

集解徐廣曰發音拔駟案郭璞曰翫音委間音惡可反砢音魯可反索隱郭璞云崔

錯發翫者蟠戾相繆也阮衡間砢者揭孽傾敵貌也

垂條扶於落英幡纚

集解郭璞曰扶

於猶扶踈也幡纚偏幡也音灑索隱皆飛揚貌也纚音所綺反

紛容蕭蔘旖旎從風

索隱

張揖云旖旎猶阿那也

瀏莅卉吸

集解徐廣曰莅音栗索隱郭璞云皆林木鼓動之聲瀏音留莅

如字辨古卉
字吸音翕

蓋象金石之聲

正義金鐘石磬

管籥之音

正義廣雅云象

箎長一尺圍一寸有六孔無底籥謂之笛有七孔說文云籥三孔籥也

柴池訖虎

集解徐廣曰柴

音差虎音多索隱張揖云柴池參差也訖虎不齊也訖音差虎音側氏反

旋環後宮雜還累

輯

集解徐廣曰雜一作插

被山緣谷循阪下隰視之無端究之無

窮於是玄猿素雌雌攫飛鷗

集解徐廣曰雌音于季反駟索漢書音義曰雌似獼

猴仰鼻而長尾攫似獼猴而大飛鷗飛鼠也其狀如兔而鼠首以其顙飛也索隱郭璞曰鷗鼯鼠也紫毛赤色

飛且生一名飛生雌音贈遺之遺蝓音誅玄猿猿之雄者黑色也素雌猿之雌者素色也攫音古約反雌今狔

尾端為兩岐天雨便以尾插鼻兩孔郭璞云攫色蒼黑能攫搏人故云攫也

蛭蜩蠹

集解徐廣

曰蛭音質駟案漢書音義曰山海經曰不咸之山有飛
蛭四翼郭璞曰蠃蛭似獼猴而黃蛭未聞索隱張揖云

蛭蟻也蛭蟬也蠃獼猴也顧氏云獼音塗卓反山海

經云鼻塗山下有獸似鹿馬足人首四角名為蠃獼猴

即此也字或作蠃郭璞云蠃非也上已有雌蠃此不應

重見又神異經云西方深山有獸毛色如猴能緣高木

其名為蠃字林云蠃

音狄蛭蛭二獸名

蜥胡毅蜥反集解徐廣曰蜥音在廉

反蜥音詭駟案漢書音義曰毅白狐子也索隱張揖云

蜥胡似獼猴頭上有髮蜥以後黑郭璞曰毅似鼪而大

蜥以後黃一名黃蜥食獼猴蜥未聞姚氏案山經云即

山有獸狀如鼪白身赤首其名曰蜥又說文云蜥胡黑

身白蜥若帶手有棲息乎其間長嘯哀鳴翮幡互經正

長白毛似掘板也

郭云互經

互相經過天矯枝格偃蹇杪顛正義天音妖矯音杪杪

在樹共戲恣態也天矯頻申也

於是乎險絕梁

正義張云絕梁斷橋也郭云梁厚石絕水也

騰殊榛

正義榛仕斤反爾雅云木藪生為榛也殊異也

捷垂條

正義捷音才業反張云捷特懸

垂之條

蹕稀間

集解郭璞曰蹕縣蹕也託鈞反

牢落陸離爛曼遠遷

正義郭云

奔走崩騰狀也顏云言其聚散不常雜亂移徙

若此輩者數千百處嬉游往來

宮宿館客庖廚不徙後宮不移

正義說文云庖廚屋鄭玄注周禮云庖言苞也

苞裹肉曰苞苴也後宮內人也言宮館各自有

百官備具於是乎背秋涉冬天

子校獵乘鏤象六玉蚪

集解徐廣曰以玉為飾駟索郭璞曰鏤象山所出與言有雕鏤

蚪龍屬也韓子曰黃帝駕象車六交龍是也

拖蜺旌

正義拖音徒可反張云析毛羽染以五綵綴以

縷為旌有靡雲旗正義張云畫熊虎似虹蜺氣

前皮軒後道游

集解

郭璞曰皮軒草車也或曰即曲禮前有士師則載虎皮者也道道車游游車皆見周禮也

孫叔奉轡

衛公驂乘

集解駢案漢書音義曰孫叔者太僕公孫賀也衛公者衛青也大僕御大將軍驂乘也

扈從橫行出乎四校之中

集解郭璞曰言跋扈從恣不安鹵簿矣索隱晉灼云扈大

也文穎曰凡五校今言四者一隨天子乘輿也鼓嚴簿縱獠者

集解駢案漢書音義曰鼓嚴嚴

鼓也簿鹵簿也駢謂鼓嚴於林簿之中然後縱獠也

江河為陸泰山為櫓

集解郭璞曰櫓

望樓也因山谷遮禽獸為陸音去車反

車騎雷起隱天動地先後陸離離

散別追淫淫裔裔緣陵流澤雲布雨施生貌豹

集解郭璞曰貌

執夷虎屬也音毗

搏豺狼

正義搏擊也杜林云豺似猶白色說文云狼爪

手熊羆

正義張云

熊犬身人足黑色羆大於熊黃白色皆能攀沿上高樹冬至入穴而蟄沿春而出也

足野羊

集解郭璞

曰野羊如羊千斤手足謂拍踰殺之

蒙鵑蘇

集解徐廣曰蘓尾也蘇析羽也張

揖云鵑似雉雞闕死不却案蒙謂覆而取之鵑以蘇為奇故特言之以成文耳鵑音曷決疑注云鳥尾為蘇也

綉白虎

集解徐廣曰綉音袴駟案郭璞曰綉謂絆絡之索隱張揖云著白虎之綉也

被函文

集解郭璞曰著斑衣索隱輿服志云虎賁騎鵑冠武文單衣即此斑文也

跨野馬

索隱跨乘之也

三變之危

集解駟案漢書音義曰三變三成之山下

下磧歷之坻

集解郭璞曰磧歷阪

名也正義坻音遲磧歷淺水中沙徑陵赴險越壑厲水石也坻水中高處言獵人下此也

推蜚廉

集解郭璞曰飛廉龍雀也鳥身鹿頭者

弄解豸

集解駉案漢書音義曰解豸似鹿而

一角人君刑罰得中則生於朝廷主觸不直者可得而弄也索隱解音蟹豸音丈妳反

格蝦蛤鉞

猛氏

集解駉案漢書音義曰蝦蛤猛氏皆獸名索隱晉灼曰蝦蛤闕郭璞曰今蜀中有獸狀如熊而小毛

淺有光澤名猛氏說文鉞小矛也音蟬

胃驤裹射封豕

集解郭璞曰驤裹神馬日行萬里兩

音窈嫗封豕大猪

箭不苟害解脰陷腦

索隱張揖云脰項也陷音苦念反亦依字讀也

弓不虛發應聲而倒於是乎乘輿彌節裴回翱翔往來

睨部曲之進退覽將率之變態然後浸潭促節

索隱浸潭猶漸

再也漢書作浸淫或作乘輿案節也

儵負遠去

集解郭璞曰負音訓盛反

流離輕禽蹙

履狡獸轄白鹿捷狡兔

集解徐廣曰轄音銳一作轄也正義轄音衛抱朴子云白鹿壽

千歲滿五百歲色純白也晉徵祥記云白鹿色若霜不與他鹿為羣

軼赤電遺光耀

集解徐廣

曰超陵赤電電光不及言去速也

追怪物出宇宙

正義怪物謂游臬飛虞也張云天地四方

曰宇往古來今曰宙許慎云宙舟輿所極也按許說宙是也

彎繁弱

正義上烏繁反文穎云彎牽也

繁弱夏后氏良弓名左傳云分魯公以夏后之璜封父之繁弱

滿白羽

正義文穎云引弓盡箭鏑為滿

以白羽羽箭射游臬標蜚虞

集解郭璞曰臬臬羊也似人長脣反踵被髮食人飛

虞鹿頭龍身神獸標梢也

擇肉後發先中命處弦矢分藝殪仆

集解徐廣

曰射準的曰藝仆音赴

然後揚節而上浮陵驚風歷駭飈

正義飈音必遙

反爾雅云謂暴風從下升上故曰飈

乘虛無與神俱

正義張云虛無寥廓與元通靈言其所乘

氣之高故能出飛鳥之上而與神俱也

韓玄鶴亂昆雞

集解徐廣曰韓音蹯正義韓音宏鶴

二百六十歲則淺黑色也

適孔鸞促駿驥拂鸞鳥指鳳皇

集解駉案漢書音義

曰道秦由反鸞鳥雞反張云山海經云九疑之山有五

彩之鳥名曰鸞鳥也正義指山文反京房易傳云鳳皇

鴈前麟後雞啄燕頷蛇頸龜背魚尾駢翼高丈二尺東

山經云其狀如鶴五采而首文曰經翼文曰順背文曰

義膺文曰仁股文曰信是鳥

自歌自舞雄曰鳳雌曰凰

捷駕雛掩焦明

集解駉案

索隱張揖云鷦明西方之鳥也樂汁圖徵曰鷽明狀似

鳳皇宋衷曰水鳥也正義按長喙踈翼覓尾非幽閑不

集非珍

道盡塗殫迴車而還招搖乎襄羊

索隱郭璞曰襄羊猶仿佯

降集乎北紘

集解郭璞曰紘維也北方之紘曰委羽

率乎直指闔乎反鄉

鑿石闕歷封巒過鳩鵲望露寒

集解徐廣曰鳩音支鵲音漢書音義曰皆甘泉

宮左右觀名也

下棠梨

集解駉案漢書音義曰宮名也在雲陽縣東南三十里

息宜春

正義

括地志云宜春宮在雍州萬年縣西南三十里

西馳宣曲濯鷁牛首

集解駉案漢書音義

曰宣曲宮名在昆明池西牛首池名在上林苑西頭

登龍臺

集解駉案漢書音義曰觀名在豐水西北

近掩細柳正義郭云觀名在昆明南柳市

觀士大夫之勤略鈞獠者之

所得獲

集解徐廣曰鈞一作診也

觀徒車之所犇轆

正義犇踐也轆輾也

乘騎

之所蹂若

集解徐廣曰蹂音人久反

人民之所蹈躅與其窮極倦飢

集解徐廣曰音劇

驚憚惛伏不被創刃而死者佗佗籍籍填坑

滿谷揜平彌澤於是乎游戲懈怠置酒乎昊天之臺

隱索

張揖曰臺高上干昊天也

張樂乎鞞輶之宇

集解徐廣曰輶音葛索隱郭璞云言曠遠深貌

也撞千石之鍾立萬石之鉅建翠華之旗樹靈囂之鼓

集解郭璞曰木貫鼓中如羽葆其上的所謂樹鼓

奏陶唐氏之舞聽葛天氏之歌

集解駉案漢書音義曰葛天氏古帝王號也呂氏春秋曰葛天氏之樂三人操牛尾投足以歌索隱張揖曰葛

天氏三皇時君號也呂氏春秋云其樂三人持牛尾投足以歌八闋一曰戴民二曰玄身三曰遂草木四曰奮

五穀五曰敬天常六曰建帝功七曰依地德八曰總禽獸之極

千人唱萬人山陵為

之震動

集解徐廣曰一作勳

川谷為之蕩波巴俞宋蔡淮南于遮

集解郭璞曰巴西閬中有渝水獠人居其上皆剛勇好

舞漢高募此以平三秦後使樂府習之因名巴渝舞也

駟案漢書音義曰于遮歌曲名索隱張揖曰禮樂記云

宋音宴女溺志蔡人謳員三人楚詞云吳謠蔡謳淮南鼓

員四人于遮文成顛歌

集解郭璞曰未聞也索隱文穎曲是其意也

文成遠西縣名其縣人善歌

顛益州顛縣其人能作族舉遞奏

集解徐廣曰舉一作居金鼓迭

起鏗鎗鐺磬洞心駭耳荆吳鄭衛之聲韶

集解郭璞曰

獲武象之樂陰淫案衍之音鄢郢繽紛激楚結風

集解郭璞

曰激楚歌曲也列女傳曰聽激楚之遺風也索隱激楚

急風也結風回風亦急風也楚地風氣既自漂疾然歌

樂者猶復依激結之急風

俳優侏儒狄鞮之倡

集解徐廣曰韋

昭云狄鞮地名在河內出善倡者

所以娛耳目而樂心意者麗靡爛漫

於前

索隱郭璞云言恣其觀也列女傳曰桀造爛漫之樂

靡曼美色於後

索隱張揖曰靡

細曼澤也韓子

若夫青琴宓妃之徒

集解駰案漢書音義曰皆古神女名

索隱伏儼曰青琴古神女也如淳曰宓妃伏義女溺死洛水遂為洛水之神宓音伏

絕殊離俗

索隱

郭璞曰俗無雙也

姣冶嫋都

索隱郭璞云姣好也都雅也詩云姣人嫋兮方言云自闕而東河濟

之間凡好或謂之姣音絞說文

靚莊刻飭便嬛綽約

集解

郭璞曰靚莊粉白黛黑也

柔橈

集解徐廣曰音娟索隱柔橈媛媛皆骨體奕弱長艷貌也廣雅

云嬛嬛容也張揖曰嬛嬛猶婉婉也**斌媚**媚集解徐廣曰媚音乃冉反

悅也通俗文云頰輔謂之媼媚郭璞云**拙獨繭之褕施**

集解徐廣曰拙音曳褕索隱張揖云施袖也郭璞曰獨繭繭絲也埤蒼云施衣長貌也**眇閭易以**

戍削集解徐廣曰閭易衣長貌戍削言如刻畫作之**嫵姁**嫵集解郭璞曰衣

嫵白服反姁音先微音白結反獨音屑**與世殊服芬香漚鬱酷烈淑郁皓**

齒粲爛宜笑的礫索隱郭璞曰鮮明貌也楚詞曰美人皓齒以姁又曰蛾眉笑以的礫音礫

也**長眉連娟微睇繇藐**索隱郭璞曰連娟眉曲細也綿藐視遠貌也娟音一全反睇音

藐大計反色授魂與心愉於側我魂往與接也愉音踰往

也悅也二
義並通

於是酒中樂酣天子芒然而思似若有亡曰

嗟乎此泰奢侈朕以覽聽餘間無事棄日順天道以殺

伐時休息於此恐後世靡麗遂往而不反非所以為繼

嗣創業垂統也於是乃解酒罷獵而命有司曰地可以

墾辟悉為農郊以贍萌隸墮牆填塹使山澤之民得至

焉寶陂池而勿禁

正義實滿也言人滿陂池任採捕所取也

虛宮觀而勿仞

正義仞音刃亦滿也言離宮別館勿令人居上並廢罷也

發倉廩以振貧窮補不足

恤鰥寡存孤獨出德號省刑罰改制度易服色更正朔

與天下為始於是歷吉日以齊戒襲朝衣乘法駕建華

旗鳴玉鸞游乎六藝之囿

正義六藝云言田獵訖則遍游六藝而疾驅於仁義之道

也驚乎仁義之塗覽觀春秋之林

集解郭璞曰春秋所以觀成敗明善惡也

射狸首兼騶虞

集解騶案禮射義曰天子以騶虞為節諸侯以狸首為節騶虞者樂官備也狸

首者樂會時也

弋玄鶴建干戚載雲罕揜羣雅

集解騶案漢書音義曰大雅小

雅也索隱張揖曰罕車也前有九旒雲罕之車說者以雲罕為旌旗皆非也且案中朝鹵簿圖云雲罕駕騶不

兼言九旒罕車與九旒車別也揜捕也張揖曰詩小雅之材七十四人大雅之材三十一人故曰羣雅也悲

伐檀

索隱張揖曰其詩刺賢者不遇明主

樂樂胥

索隱毛詩桑扈云君子樂胥受天之祜言王者

樂得賢材之人使在位故天與脩容乎禮園

正義禮所以自修飾

之福祿也胥音先呂反樂音洛

正義尚書所以明

整威儀也 翱翔于書圃

正義易所以繫靜微

妙上辨二儀陰陽中知人事下明地理

也言田獵乃射訖又歷涉六經之要也

放怪獸

正義張云苑中

奇怪之獸 登明堂坐清廟

正義明堂有五帝廟故言

不復獵也

羣臣奏得失四海之內靡不受獲

正義言天下之人無不受恩惠

於斯

之時天下大說嚮風而聽隨流而化喟然興道而遷義

索隱漢書作焮然猶

欸然也音許貴反 刑錯而不用德隆乎三皇功羨於

五帝

索隱司馬彪云羨溢也音怡戰反

若此故獵乃可喜也若夫終日

暴露馳騁勞神苦形罷車馬之用抗士卒之精

索隱抗音五官

反費府庫之財而無德厚之恩務在獨樂不顧衆庶忘

國家之政而貪雉兔之獲則仁者不由也從此觀之齊

楚之事豈不哀哉地方不過千里而囿居九百是草木

不得墾辟而民無所食也夫以諸侯之細而樂萬乘之

所侈僕恐百姓之被其尤也於是二子愀然改容

索隱郭璞

云愀變色貌音作酉反

超若自失逡巡辟席曰鄙人固陋不知忌

諱乃今日見教謹聞命矣賦奏天子以為郎無是公言

天子上林廣大山谷水泉萬物及子虛言楚雲夢所有

甚衆侈靡過其實且非義理所尚故刪取其要歸正道

而論之

索隱大顏云不取其夸奢靡麗之論唯取終篇歸於正道耳小顏云刪取非謂削除其詞而說

者謂此賦已經史家刊別失其意也相如為郎數歲會唐蒙使略通夜郎

西轅中

集解徐廣曰羗之別種也音扶逼反索隱張揖云蒙故鄱陽令為郎中使行略取之文穎曰夜

郎轅中皆西南夷後以為牂牁犍為二郡轅音步北反

發巴蜀吏卒千人

索隱案巴蜀二

都名郡又多為發轉漕萬餘人用興法

集解駰案漢書曰用軍興法也

誅

其渠帥巴蜀民大驚恐上聞之乃使相如責唐蒙因喻

告巴蜀民以非上意檄曰告巴蜀太守蠻夷自擅不討

之日久矣時侵犯邊境勞士大夫陛下即位存撫天下

輯安中國然後興師出兵北征匈奴單于怖駭交臂受

事詘膝請和康居西域重譯請朝稽首來享移師東指

閩越相誅右弔番禺太子入朝

索隱文穎曰番禺南海郡理也弔至也東伐閩

越後至番禺故言右至非也案姚氏弔讀如字小顏云兩國相伐漢發兵救之南越蒙天子德惠故遣太子入

朝所以云弔爾非訓至也

南夷之君西僊之長常效貢職不敢怠墮

延頸舉踵喁喁然

正義喁五恭反口向上也

皆爭歸義欲為臣妾道

里遼遠山川阻深不能自致夫不順者已誅而為善者

未賞故遣中郎將往賓之

索隱賈逵云賓伏也

發巴蜀士民各五

百人以奉幣帛衛使者不然靡有兵革之事戰鬪之患

今聞其乃發軍興制驚懼子弟憂患長老

索隱張揖云發軍謂發三

軍之衆興制謂起軍法誅渠帥也案唐蒙為使而用軍興法制故驚懼蜀人也

郡又擅為轉粟

運輸皆非陛下之意也當行者或亡逃自賊殺亦非人

臣之節也夫邊郡之士聞烽舉燧燔

集解駉案漢書音義曰烽如覆米箕

縣著桔槔頭有冠則舉之燧積薪有冠則燔然之索隱字林云箕澆米數也音一六反纂要云箕浙箕也烽見

敵則舉燧有難則
焚烽主晝燧主夜

皆攝弓而馳

索隱攝音女頰反

荷兵而走流

汗相屬唯恐居後觸白刃冒流矢義不反顧計不旋踵

人懷怒心如報私讎彼豈樂死惡生非編列之民而與

巴蜀異主哉計深慮遠急國家之難而樂盡人臣之道

也故有剖符之封析珪而爵

索隱如淳曰析中分也白藏天子青在諸侯也

位

為通侯居列東第

索隱列甲第在帝城東故云東第也

終則遺顯號於後

世傳土地於子孫行事甚忠敬居位甚安佚名聲施於

無窮功烈著而不滅是以賢人君子肝腦塗中原膏液

潤野草而不辭也今奉幣後至南夷即自賊殺或亡逃
抵誅身死無名謚為至愚恥及父母為天下笑人之度
量相越豈不遠哉然此非獨行者之罪也父兄之教不
先子弟之率不謹也寡廉鮮耳而俗不長厚也其被刑
戮不亦宜乎陛下患使者有司之若彼悼不肖愚民之
如此故遣信使曉喻百姓以發卒之事因數之以不忠
死亡之罪讓三老孝弟以不教誨之過方今田時重煩
百姓

索隱重
猶難也

已親見近縣恐遠所谿谷山澤之民不徧

聞檄到亟下縣道

集解駟案漢書百官表曰縣有蠻夷曰道索隱亟音紀力反亟急也使

咸知陛下之意唯毋忽也相如還報唐蒙已略通夜郎

因通西南夷道發巴蜀廣漢卒作者數萬人治道二歲

道不成士卒多物故費以巨萬計

索隱案巨萬猶萬萬也數有大小二法張

揖曰算法萬萬為億是小數也

蜀民及漢用事者多言其不便

索隱案謂公卿

所言是時邛笮之君長

索隱文穎曰邛者今為邛都縣笮者今為定笮縣皆屬越雋郡

也聞南夷與漢通得賞賜多多欲願為內臣妾請吏比

南夷

索隱謂請置漢吏與南夷為比例也

天子問相如相如曰邛笮冉駹

者近蜀道亦易通秦時嘗通為郡縣至漢興而罷今誠

復通為置郡縣愈於南夷

索隱張揖曰愈差也又云愈猶勝也晉灼曰南夷謂犍為

牂牁也西南謂越雋益州也

天子以為然乃拜相如為中郎將

索隱四百

石五歲遷補大縣令

建節往使副使王然于壺充國

索隱案漢書公卿表太初

元年為大鴻臚卿也

呂越人馳四乘之傳因巴蜀吏幣物以賂西

夷至蜀蜀太守以下郊迎縣令負弩矢先驅

索隱案亭吏名亭長

弩矢合是亭長負之今縣令自負矢則亭長當負弩也
且負弩是守宰無定或隨時輕重耳按霍去病出擊匈奴
河東太守郊迎負弩又魏公子救趙擊秦秦
軍解去平原君負轡矢迎公子於界上是也

蜀人以

為寵

索隱華陽國志云蜀大城北十里有升僊橋送客觀相如初入長安題其門云不乘赤車駟馬不過

汝下也

於是卓王孫臨叩諸公皆因門下獻牛酒以交驩

卓王孫喟然而歎自以得使女尚司馬長卿晚

索隱小顏云尚

猶配也本或作當蓋後人改爾

而厚分與其女財與男等同司馬長卿

便略定西夷叩笮冉駹斯榆之君皆請為內臣

索隱鄭氏斯音

曳張揖云斯俞才俞國也案今斯讀如字益部耆舊傳謂之斯叟華陽國志云叩都縣有四部斯叟一也

除

邊關關益斤

索隱張揖曰斤廣也

西至沫若水

索隱張揖曰沫水出蜀廣平徼外與

青衣水合也若水出旄牛徼外至犍道入江華陽國志漢嘉縣有沫水音妹又音末

南至牂牁為

徵

索隱張揖云徵塞也以木柵水為蠻夷界

通零關道

集解徐廣曰越雋有零關縣

橋孫

水

集解韋昭曰為孫水作橋

以通邛都

索隱案華陽國志云相如卒開犍道通南中置越雋郡韓

說開益州唐蒙開牂牁斬筰王首置牂牁郡也

還報天子天子大說相如使時

蜀長老多言通西南夷不為用唯大臣亦以為然相如

欲諫業已建之不敢

索隱案業者本也本由相如立此事故不敢更諫

乃著書

籍以蜀父老為辭而已詰難之以風天子且因宣其使

指令百姓知天子之意其辭曰漢興七十有八載

集解徐廣

曰元光六年也德茂存乎六世

正義高祖惠帝高后孝文孝景孝武

威武紛紜湛

恩汪濊

索隱韋昭云湛音沉

羣生澍濡洋溢乎方外於是乃命使

西征隨流而攘

索隱攘却也音女羊反

風之所被罔不披靡因朝

冉從駝定笮存邛略斯榆舉苞滿

索隱服虔云夷種也滿字或作蒲也

結

軌還轅

索隱張揖云結屈也軌車迹也

東鄉將報至于蜀都耆老大夫

薦紳先生之徒二十有七人儼然造焉辭畢因進曰蓋

聞天子之於夷狄也其義羈縻勿絕而已

索隱案羈馬絡頭也縻牛

綱也漢官儀云馬云羈牛云縻言制四夷如牛馬之受羈縻也

今罷三郡之士通夜郎

之塗三年於茲而功不竟士卒勞倦萬民不贍今又接

以西夷百姓力屈恐不能卒業此亦使者之累也竊為
左右患之且夫邛笮西僰之與中國並也歷年茲多不
可記已仁者不以德來彊者不以力并意者其殆不可
乎今割齊民以附夷狄弊所恃以事無用鄙人固陋不
識所謂使者曰烏謂此邪必若所云則是蜀不變服而
已不化俗也余尚惡聞若說

索隱張揖云惡聞若曹之言也包愷音一故反又音

烏烏者安也

然斯事體大固非觀者之所覲也余之行急其
詳不可得聞已請為大夫粗陳其略蓋世必有非常之

人然後有非常之事有非常之事然後有非常之功非

常者固常之所異也

索隱案常人見之以為異也

故曰非常之原黎

民懼焉

索隱張揖云非常之事其本難知衆人懼也

及臻厥成天下晏如也

昔者鴻水淳出汎濫衍溢民人登降移徙陴陬而不安

夏后氏戚之乃堙鴻水決流䟽河漉沈澹菑

集解徐廣曰漉一作

灑索隱灑音鹿菑音災漢書作灑沉澹災解者云灑分也音所宜反澹安也沉深也澹音徒暫反

東歸

之於海而天下永寧當斯之勤豈唯民哉

索隱案謂非獨人勤禹亦

親其勞也心煩於慮而身親其勞躬胝無胥膚不生毛

集解徐廣

曰臑音竹移反臑種也一作臑音湊膚理也臑音魁索隱張揖曰臑一作臑臑體也臑湊理也韋昭曰臑臑中

小毛也臑音真尸反莊子云禹臑無臑脰不生毛李頤云臑白肉也音蒲末反故休烈顯乎無

窮聲稱決乎于茲且夫賢君之踐位也豈特委瑣握齟

索隱孔文祥云委瑣細碎握齟局促也拘文牽俗循誦習傳當世取說云

爾哉必將崇論閎議創業垂統為萬世規故馳騖乎兼

容并包而勤思乎參天貳地索隱案天子比德於地是二地也地與己并天為三

是參天也故禮曰天子與天地參是也且詩不云乎普天之下莫非王土

率土之濱莫非王臣集解駟案毛詩傳曰濱涯也是以六合之內八

方之外浸潯衍溢

索隱案浸潯猶漸浸也

懷生之物有不浸潤於

澤者賢君恥之今封疆之內冠帶之倫咸獲嘉祉靡有

闕遺矣而夷狄殊俗之國遼絕異黨之地舟輿不通人

迹罕至政教未加流風猶微內之則犯義侵禮於邊境

外之則邪行橫作放弑其上君臣易位尊卑失序父兄

不辜幼孤為奴係纍號泣內嚮而怨曰蓋聞中國有至

仁焉德洋而恩普物靡不得其所今獨曷為遺已舉踵

思慕若枯旱之望雨盍夫為之垂涕

集解徐廣曰盍音疾索隱張揖曰狠

戾之夫也字或作戾盤古戾字

况乎上聖又惡能已故北出師以討彊

胡南馳使以誚勁越四面風德二方之君鱗集仰流

索隱

二方謂西夷邛樊南夷牂牁夜郎也

願得受號者以億計故乃關沫若

集解

駟案漢書音義曰以沫若水為關

徼牂牁鏤零山梁孫原創道德之塗

垂仁義之統將博恩廣施遠撫長駕使䟽遯不閉

索隱遯遠

言其䟽遠者不被閉絕也

阻深闇昧得耀乎光明

索隱阻深漢書作

早朝也智音妹案字林又音忽也

以偃甲兵於此而息誅伐於彼遐邇

一體中外提福

集解徐廣曰提作提音支索隱說文云提安也音市支反

不亦康乎

夫拯民於沈溺奉至尊之休德反衰世之陵遲繼周氏之絕業斯乃天子之急務也百姓雖勞又惡可以已哉且夫王事固未有不始於憂勤而終於佚樂者也然則受命之符合在於此矣

索隱張揖云合在於憂勤佚樂之中也

方將增泰

山之封加梁父之事鳴和鸞揚樂頌上咸五下登三

集解

徐廣曰咸一作函駟案韋昭曰咸同於五帝登三王之上索隱李奇云五帝之德漢比為減三王之德漢出其上故云減五登三此說非也虞喜志林云相如欲減五帝之一以漢盈之然以漢為五帝之數自然是登於三王之上也今本減或作觀者未睹指聽者未聞音猶鶴咸是與韋昭之說符也

明已翔乎寥廓而羅者猶視乎藪澤悲夫於是諸大夫
芒然喪其所懷來而失厥所以進喟然並稱曰允哉漢
德此鄙人之所願聞也百姓雖怠請以身先之敞罔靡
徙因遷延而辭避

宗隱案敞罔失容也靡徙失正也

其後人有上書言

相如使時受金失官居歲餘復召為郎相如口吃而善
著書常有消渴疾與卓氏婚饒於財其進仕宦未嘗肯
與公卿國家之事稱病閒居不慕官爵常從上至長楊

獵

正義括地志云秦長楊宮在雍州藍屋縣東南三里上起以宮內有長楊樹以為名

是時天子

方好自擊熊羆馳逐野獸相如上疏諫之其辭曰臣聞

物有同類而殊能者故力稱烏獲

索隱張揖曰秦武王力士舉龍文鼎者也

捷言慶忌

索隱張揖曰吳王僚之子

勇期賁育

正義賁音奔孟賁古之勇士水行不避蛟

龍陸行不避豺狼發怒吐氣聲音動天夏育亦古之猛士也

臣之愚竊以為人誠有

之獸亦宜然今陛下好陵阻險射猛獸卒然遇軼材之

獸

索隱廣雅云卒暴也音倉沒反

駭不存之地

正義謂所不慮而猛獸駭發也

犯屬車

之清塵

集解蔡邕曰古者諸侯載車九乘秦滅九國兼其車服故大駕屬車八十一乘

輿不及

還轅人不暇施巧雖有烏獲逢蒙之伎力不得用

集解駟案

吳越春秋曰羿傳射於逢蒙索隱孟
子云逢蒙學射於羿盡羿之道是也
枯木朽株盡為害

矣是胡越起於轂下而羌夷接軫也
豈不殆哉雖萬全
無患然本非天子之所宜近也且夫清道而後行中路

而後馳猶時有街楬之變

集解徐廣曰楬音巨月反鉤逆者謂之櫟矣索隱張揖曰

街馬勒街也櫟駢馬口長街也周遷輿服志云鉤逆上者為櫟櫟在街中以鐵為之大如雞子鹽鐵論云無街

櫟而櫟悍馬是也

而況涉乎蓬蒿馳乎丘墳前有利獸之樂而

內無存變之意其為禍也不亦難矣夫輕萬乘之重不
以為安而樂出於萬有一危之塗以為娛臣竊為陛下

不取也蓋明者遠見於未萌而智者避危於無形禍固

多藏於隱微而發於人之所忽者也故鄙諺曰家累千

金坐不垂堂

索隱張揖曰畏簷瓦墮中人樂彥云垂此邊也近堂邊恐其墮墜也非謂畏簷瓦

言雖小可以喻大臣願陛下之留意幸察上善之還過

宜春宮

正義括地志云秦宜春宮在雍州萬年縣西南三十里宜春苑在宮之東杜之南始皇本紀云

葬二世杜南宜春苑中按今宜春宮見二世陵故作賦以哀也

相如奏賦以哀二世行

失也其辭曰登陂池之長阪兮

索隱陂普何反池徒何反

坐入曾宮

之蹉我

集解駉案漢書音義曰全並也索隱全步寸反

臨曲江之隄州兮

集解駉案

漢書音義曰隄長也苑中有曲江之象泉中有長洲也
索隱隄音祈隄即碣字謂曲岸頭也有宮閣路今猶謂

之曲江在杜陵西北五里又三望南山之參差巖巖深
輔舊事云樂游原在西北是也

山之磴磴兮集解徐廣曰磴音力工反索隱磴古江反
晉灼曰磴音籠古礪字蕭該云磴或作礪

貌長大通谷磻兮磻礪索隱磻音呼舍
反礪音呼加反汨減喻習以永逝

兮索隱汨于筆反汨減疾貌也喻音
許及反漢書作鞞鞞然輕舉意也注平臯之廣衍觀

衆樹之塤蔓兮索隱蔓音
愛謂隱也覽竹林之榛榛東馳土山兮

北揭石瀨索隱說文云瀨
水流沙上也彌節容與兮索隱容與
游戲貌也歷弔

二世持身不謹兮亡國失勢信讒不寤兮宗廟滅絕鳴

呼哀哉操行之不得兮墳墓蕪穢而不脩兮魂無歸而

不食負邈絕而不齊兮彌久遠而愈侏精罔閭而飛揚

兮拾九天而永逝

正義太玄經云九天謂一為中天二為羨天三為從天四為更天五為睟

天六為廓天七為減天八為沈天九為成天

嗚呼哀哉相如拜為孝文園令

索隱百官志云陵園令六百石掌按行掃除也

天子既美子虛之事相如見上

好僊道因曰上林之事未足美也尚有靡者臣嘗為大

人賦

索隱張揖曰大人喻天子向秀云聖人在位謂之大人張華云相如作遠遊之體以大人賦之也

未就請具而奏之相如以為列僊之傳居山澤間

索隱案傳

者謂相傳以列仙居山澤間音持全反小顏及劉氏並作儒讀云儒柔術士之稱非也

形容甚臞

集解徐廣曰臞瘦也索隱韋昭曰此非帝王之僊意也臞瘠也文子云堯臞瘦音巨俱反

乃遂就大人賦其辭曰世有大人兮在于中州宅彌萬

里兮曾不足以少留悲世俗之迫隘兮竭輕舉而遠游

索隱如淳曰武帝云誠得如黃帝去妻子如脫屣是悲世俗迫隘也垂絳幡之素蜺兮載

雲氣而上浮建格澤之長竿兮總光耀之采旄

集解駉案漢書

音義曰格澤之氣如炎火狀黃白色起地上至天以此氣為竿旄葆也總係也係光耀之氣於長竿以為葆者

垂旬始以為慘兮挹彗星而為髻

集解駉案漢書音義曰旬始氣如雄雞縣

於葆下以為旒也鬚燕尾也掉指橋以偃蹇兮又旖旎

以招搖集解駟案漢書音義曰指橋隨風指靡索攬攬

搶以為旌兮正義天官書云天攬長四丈末銳靡屈虹

而為綢集解駟案漢書音義曰綢韜也以斷虹為旌杠

或音韜屈紅香渺以眩渚兮焱風涌而雲浮集解駟案

虹斷虹也曰旬始屈虹氣色紅香眇眩渚闇冥無光也索隱蘇林

曰眩音炫渚音趙晉灼云紅赤色貌香渺深遠眩渚混

合也紅或作虹駕應龍象輿之虬略逶麗兮驂赤螭青蚪之螭

蜺蜿蜓低卬天矯据以驕驚兮詘折隆窮

索隱張揖曰据直須也驕

驚縱恣也据音據驕音居召反驚音五到反

蠓以連卷

索隱韋昭曰蠓龍之形貌也音起碧反連

輦卷音

沛艾赴蟬乞以佻儼兮

集解駟案漢書音義曰赴蟬申頸低仰也儼不前也

索隱張揖曰赴蟬牙跳也赴音居幼反蟬音許救反乞舉頭也乞音魚乙反佻音勅吏反儼音魚吏反

放

散畔岸驤以孱顏

索隱服虔曰馬仰頭其口開正孱顏也韋昭曰顏音吾板反詩云兩服上

驤注云驤馬是也

跽蹠鞢容以委麗兮綢繆偃蹇怵矣以梁

倚

集解徐廣曰跽蹠乍前乍卻也跽音丑栗反蹠音勅略反鞢烏葛反鞢音曷綢一作雕矣音他略反駟案

漢書音義曰怵矣走也梁倚相著也索隱張揖曰跽蹠疾行互前却也鞢鞢搖目吐舌也跽音褚栗反蹠音褚略反鞢音過鞢音曷綢音徒吊反張揖曰偃蹇却器也廣雅曰偃蹇天矯也韋昭曰矣音咎略反相如傳云脩

臭遠去

糾蓼叫昇跼以艘路兮

集解徐廣曰艘音介至也索隱蓼音了昇音五

到反小顏云叫昇高舉貌踏音徒荅反艘音屈三蒼云踏著地孫炎云艘古界字也

蔑蒙踊躍騰

而狂趙

集解駉案漢書音義曰蔑蒙飛揚也趙走

莅颯卉翕燦至電過兮煥

然霧除霍然雲消邪絕少陽而登太陰兮與真人乎相

求

集解駉案漢書音義曰少陽東極太陰北極邪度東極而升北極者也

互折窈窕以右

轉兮橫厲飛泉以正東

正義厲渡也張云飛泉谷也在崑崙山西南

悉徵靈

圉而選之兮部乘衆神於瑤光

集解駉案漢書音義曰瑤光北斗杓頭第一星

使五帝先導兮

正義導導引也五帝五時帝太皓之屬也

反太一而從陵陽

集解駟案漢書音義曰僊人陵陽子明也正義天官書云中宮天極星其一明者太一常居也列僊傳云子明

於沛鉅縣旋溪釣得白龍放之後白龍來迎子明去止陵陽山上百餘年遂得仙也左玄冥而右

含雷兮

集解駟案漢書音義曰含雷黔羸也天上造化神名也或曰水神

前陸離而後

滴湟

集解駟案漢書音義曰皆神名

斯征北僑

集解徐廣曰燕人也形解而征也索隱應劭曰

廝役也張揖曰王子喬也漢書郊祀志作正伯僑此當是別人恐非王子喬也

而後羨門兮

正義

張云羨門碣石山上仙人羨門高也

屬岐伯使尚方

集解徐廣曰岐伯黃帝臣駟案漢書音義

曰尚主也岐伯黃帝太醫屬使主方藥

祝融警而蹕御兮

正義張云祝融南方炎帝之佐

也獸身人面乘兩龍應火正也火正祝融警蹕清氛氣也

清氛氣而後行屯余車其

萬乘兮絳雲蓋而樹華旗

索隱絳音祖內反如淳曰蓋有五綵也

使勾芒

其將行兮

正義張云勾芒東方青帝之佐也鳥身人面乘兩龍顏云將行領從者也

吾欲往

乎南嬉歷唐堯於崇山兮過虞舜於九疑

正義張云崇山狄山也海

外經云狄山帝堯葬其陽九疑山零陵營道縣舜所葬處

紛湛湛其差錯兮

索隱湛音徒感

反

雜還膠葛以方馳

索隱廣雅云膠葛驅馳也

騷擾衝從其相紛拏

兮

索隱衝音昌勇反從音息冗反

滂淖決軋灑以林離鑽羅列聚叢以

龍茸兮衍曼流爛壇以陸離

集解徐廣曰壇音坦

徑入靈室之碑

磷鬱律兮洞出鬼谷之窟囅嵬礧

集解駸案漢書音義曰鬼谷在北辰下衆

鬼之所聚也楚辭曰贊鬼谷於北辰正義崑口骨反
暑力罪反崑烏迴反磗音回張云崑暑崑磗不平也

覽八紘而觀四荒夸竭渡九江而越五河

正義顏云五色之河也仙

云紫碧絳青黃之河也

經營炎火而浮弱水兮

正義姚丞云大荒西經云崑崙之岳

其外有炎火之山投物輒然括地志云弱水有二原俱

出女國北何傳達山南流會于國北又南歷國北東去

一里深丈餘濶六十步非乘舟不可濟流入海何傳達

山一名崑崙山在雍州西南一萬五千三百七十里又

云弱水在甘州

杭絕浮渚而涉流沙

集解駰案漢書音義曰杭船也絕渡

張掖縣南山下

也浮渚流沙中渚也

奄息總極汜濫水嬉兮

集解駰案漢書音義曰總極葱嶺山也在

西域

使靈媧鼓瑟而舞馮夷

集解徐廣曰媧一作貽駰案漢書音義曰靈媧女媧

也馮夷河伯字淮南子曰馮夷得道以潛大川正時若義姓馮名夷以庚日溺死河常以庚日好溺死人

夢夢將混濁兮召屏翳

正義應云屏翳天神使也韋云雷師也

誅風伯

正義

張云風伯字飛廉

而刑雨師

正義沙州有雨師祠

西望崑崙之軌

正義張云海內

經云崑崙去中國五萬里天帝之下都也其山廣袤百

里高八萬仞增城九重面九井以玉為檻旁有五門開

明獸守之括地志云在崑崙肅州酒泉縣南八十里十

六國春秋魏昭成帝建國十年涼張駿酒泉太守馬岌

上言酒泉南山即崑崙之體周穆王見西王母樂而忘

歸即謂此山有石室王母堂珠璣鏤飾煥若神宮又刪

丹西河名云弱水禹貢崑崙在臨羌之西即此明矣括

地志云又阿僂達山亦名建末達山亦名崑崙山恒河

出其南吐師子口經天竺入連山媯水今名為潯海出

於崑崙西北隅吐馬口經安息大夏國入西海黃河出

東北隅吐牛口東北流經溫澤潛出大積石山至華山
北東入海其三河去山入海各三萬里此謂大崑崙肅
州謂小崑崙崙也禹本紀云河出崑崙二
千五百餘里日月所相隱避為光明也
沕洸忽兮直徑

馳乎三危

集解駟案三危山名也正義括地志云三危山在沙州東南三十里

排閭闔而

入帝宮兮

正義韋昭云閭闔天門也淮南子曰西方曰西極之山閭闔之門

載玉女而

與之歸

正義張云玉女青要乘戈等也

舒閭風而搖集兮

正義張云閭風在崑崙閭

闔之中楚辭云登閭風而縹馬也

亢烏騰而一止

集解駟案漢書音義曰亢然高飛如鳥之

騰也低回陰山翔以紆曲兮

正義張云陰山在大崑崙西二千七百里

吾乃今

目睹西王母矐然白首

集解徐廣曰矐音下沃反索隱矐音鶴正義張云西王母其狀

如人豹尾虎齒蓬鬚瞳然

戴勝而穴處兮

集解郭璞曰勝玉勝也正

義顏云勝婦人首飾也漢代謂之華勝

亦幸有三足鳥為之使

正義張云三足鳥青

鳥也主為西王母取食在崑崙之北

必長生若此而不死兮雖濟萬世不

足以喜回車竭來兮絕道不周

集解駉案漢書音義曰不周山在崑崙東南

會食幽都呼吸沆瀣飡朝霞兮噍咀芝英兮噉瓊華

集解

徐廣曰噉音祈小食也駉案韋昭曰瓊華玉英

媿侵潯而高縱兮紛鴻涌而上

厲

集解徐廣曰媿音熾索隱漢書媿作襟襟仰也音禁媿音魚錦反

貫列缺之倒景兮

涉豐隆之滂沛

集解駉案漢書音義曰列缺天門也倒景日在下正義張云豐崇雲師也淮南

子云季春三月豐崇乃出以將雨接豐崇將雲雨故云滂沛

馳游道而脩降兮

正義游游

車也道道車也脩長也降下也

驚遺霧而遠逝迫區中之隘陝兮舒節

出乎北垠遺屯騎於玄闕兮軼先驅於寒門

集解駟案漢書音義

曰玄闕北極之山寒門天北門

下崢嶸而無地兮上寥廓而無天視眩

眠而無見兮聽惝恍而無聞乘虛無而上假兮超無有

而獨存

集解徐廣曰假音古下反至也

相如既奏大人之頌天子大說

飄飄有凌雲之氣似游天地之間意相如既病免家居

茂陵天子曰司馬相如病甚可往從悉取其書若不然

後失之矣使所忠往

正義姓所名忠也風俗通姓氏云漢書有諫大夫所忠氏

而相

如已死家無書問其妻對曰長卿固未嘗有書也時時

著書人又取去即空居長卿未死時為一卷書曰有使

者來求書奏之無他書其遺札書言封禪事奏所忠忠

奏其書天子異之其書曰伊上古之初肇自昊穹兮生

民歷撰列辟以迄于秦

集解徐廣曰撰一作選索隱文穎曰選數也

率邇者

踵武

集解徐廣曰率循也邇近也武迹也循省近世之遺迹索隱言循覽近代之事則踵蹈者可知也

逖聽者風聲

集解徐廣曰逖遠也聽察遠古之風聲索隱風聲風雅之聲以言聽遠古之事則著

在風雅之聲也紛綸歲蕤堙滅而不稱者不可勝數也索隱胡廣曰紛

亂也淪沒也歲蕤委頓也張揖曰亂貌續昭夏崇號謚略可道者七十有

二君

集解駢案漢書音義曰昭明也夏大也德明大相繼封禪於泰山者七十有二人索隱見韓詩外傳

及封禪書也罔若淑而不昌疇逆失而能存集解徐廣曰若順也駢案韋昭

曰疇誰也言順善必昌逆失必亡軒轅之前遐哉邈乎其詳不可得聞

也五三六經載籍之傳維見可觀也索隱胡廣云五五帝也三三王也索

六經詩書禮樂易春秋也書曰元首明哉股肱良哉因斯以談君莫

盛於唐堯臣莫賢於后稷后稷創業於唐公劉發迹於

西戎文王改制爰周邳隆

集解徐廣曰邳蓋字誤皇甫謐曰王季宅程故周書曰維

王季宅程孟子稱文王生於畢程或者邳字宜為程乎或為胙北地有郁邳縣胙大也音賁駟案漢書音義曰邳至也索隱爰於及也邳大也盛也樊光云邳可見之大也徐及皇甫之說皆非也以言文王改制及周而大也

盛大行越成

集解駟案漢書音義曰行道也文王始開王業改正朔易服色大平之道於是成矣

索隱應劭云大行謂以言道德大行也

而後陵夷衰微千載無聲

集解徐廣曰周

之王四海千載之後聲教乃絕駟案韋昭曰無惡聲

豈不善始善終哉然無異端

慎所由於前謹遺教於後耳故軌迹夷易易遵也湛恩

濛涌易豐也憲度著明易則也垂統理順易繼也是以

業隆於經祿而崇冠于二后

集解駉案漢書音義曰經祿謂成王也二后謂文武

也周公負成王致太平功德冠於文武者道成法易故也

揆厥所元終都攸卒

集解駉案

漢書音義曰都於卒終也

未有殊尤絕迹可考于今者也然猶躡梁

父登泰山建顯號施尊名大漢之德漢涌原泉

集解韋昭曰漢

德漢涌如泉原也索隱張揖曰逢遇也喻其德盛若遇泉原之流也又作峯讀胡廣曰自此已下論漢家之德

也湧漫衍旁魄四塞雲專霧散

集解徐廣曰專音布

上暢九垓

下汧八埏

集解徐廣曰音衍駉案漢書音義曰暢達垓重也汧流也埏若八埏地之際也言其德上

達於九重之天下流於地之八際也

懷生之類霑濡浸潤協氣橫流武節

飄逝邇陝游原迴濶泳沫

集解駢案漢書音義曰邇近原本也迴遠闊廣也泳浮也

思德比之於水近者游其原遠者浮其沫

首惡湮沒闇昧昭哲

集解駢案漢書音義曰始

為惡者皆湮滅闇昧喻夷狄皆化

昆蟲凱澤回首面內

集解韋昭曰面向也然後

囿騶虞之珍羣徼麋鹿之怪獸

集解駢案漢書音義曰徼遮也麋鹿得其奇怪

者謂獲白麟也

導一莖六穗於庖

集解徐廣曰導瑞禾也駢案漢書音義曰謂嘉禾之米於

庖廚以供祭祀索隱鄭德云導擇也說文嘉禾一名導字林云禾二莖六穗謂之導也

犧雙觥共

抵之獸

集解徐廣曰抵音底駢案漢書音義曰犧牲也觥角也抵本也武帝獲白麟兩角共一本因以

為牲也獲周餘珍收龜于岐

集解徐廣曰一作放龜駢案漢書音義曰餘珍得周鼎也

岐水招翠黃乘龍於沼

集解駟案漢書音義曰翠黃乘黃也龍翼馬身黃帝乘而登仙

言見乘黃而招呼之禮樂志曰訾黃其何不徠下余吾渥注水中出神馬故曰乘龍於沼索隱服虔云乘龍四

龍也翠黃孟說是也周書云乘黃似狐背上有兩角也

鬼神接靈囿賓於閒館

集解

徐廣曰言至德與神明通接故靈囿為賓旅於閒館矣郭璞曰靈囿仙人名也

奇物譎詭倣儻

窮變欽哉符瑞臻茲猶以為薄不敢道封禪蓋周躍魚

隕杭休之以燎

索隱杭舟也胡廣云武王渡河白魚入王舟俯取以燎隕墜之於舟中也微

夫斯之為符也以登介丘不亦慙乎

集解駟案漢書音義曰介太丘山也

言周以白魚為瑞登太山封禪不亦慙乎

進讓之道其何爽與

集解徐廣曰爽差異也駟

案漢書音義曰進周也讓漢也言周末可封禪為進漢可封禪而不封禪為讓也索隱爽猶差也言漢周進讓之道皆差也於是大司馬進曰陛下仁育羣生義征不愷

集解

駟案漢書音義曰大司馬上諸夏樂貢百蠻執贄德侔公也故先進議愷音惠順也

往初功無與二休烈浹洽符瑞衆變期應紹至不特創

見集解徐廣曰不但初顯符瑞而已蓋將終以封禪之事索隱文類云不獨一物初創見也胡廣云符瑞衆

多應期相繼而至也意者泰山梁父設壇場望幸蓋號以況榮

集解

徐廣曰以況受上天之榮為名號索隱案本或作望華蓋華蓋星名在紫微大帝之上今言望聖帝之臨幸也義亦兩通而孟康服虔注本皆幸下有華字而虞摯流別集則唯云幸幸當是也於義亦通直以後人見幸下

有蓋字又幸字似華故因疑惑遂定華字使誤也文穎云蓋合也言考合前代之君揆其榮而相比況以為號也大顏云蓋欲也言欲化功立號受天之況賜榮名也於義為愜然其文云蓋詞義典質又上與幸字連文致令有華蓋之謬也

上帝垂恩諸祉將以薦成

集解徐廣曰以衆瑞物初至封禪處

薦之上天告成功也索隱案漢書作慶成義亦通也

陛下謙讓而弗發也挈三神

之驩

集解徐廣曰挈猶言垂也駟案韋昭曰挈缺也三神上帝泰山梁父也索隱徐氏云挈猶垂非也應

劬挈作絕李奇韋昭作缺意亦不遠三神如淳謂地祇天神山嶽也與韋不同

缺王道之儀羣

臣慝焉或謂且天為質闇珍符固不可辭

集解駟案漢書音義曰言

天道質昧以符瑞見意不可辭讓也

若然辭之是泰山靡記而梁父靡幾

也

集解駢案漢書音義曰太山之上無所表記梁父壇場無所庶幾索隱案幾音冀

亦各並時

而榮咸濟世而屈

集解駢案漢書音義曰屈絕之也言古帝王但作一時之榮畢代而絕也

說者尚何稱於後

集解徐廣曰若無封禪之遺迹則榮盡於當時至於歷世之後人何所述

而云七十二君乎

索隱言古封禪之帝王是各並時而榮貴盛有濟世之勲而屈者謂言抑

屈摠不封禪使說者尚何稱述後代而云七十二君乎

夫修德以錫符奉符以行

事不為進越

索隱文穎云越踰也

故聖王弗替而修禮

地祇謁款天神

集解駢案漢書音義曰款誠也謁告之報誠也

勒功中嶽以彰

至尊舒盛德發榮號受厚福以浸黎民也皇皇哉斯事

天下之壯觀王者之丕業不可貶也願陛下全之而後

因雜薦紳先生之略術使獲耀日月之末光絕炎以展

采錯事

集解徐廣曰錯音厝駟案漢書音義曰采官也使諸儒記功著業得覩日月末光殊絕之用以

展其官職設厝其事業者也

猶兼正列其義校飭厥文作春秋一藝

集解徐廣曰校一作被被猶拂也音廢也駟案漢書音義曰春秋者正天時列人事諸儒既得展事業因兼正天時列人事叙將襲舊六為七集解韋昭曰今漢書增一仍舊六為七也攄

之無窮

集解徐廣曰攄一作臚臚叙也索隱廣雅云攄張舒也

俾萬世得激清流

揚微波蜚英聲騰茂實

索隱胡廣曰飛揚英偉之聲騰馳茂盛之實也

前聖之

所以永保鴻名而常為稱首者用此

索隱案謂用此封禪也

宜命

掌故悉奏其義而覽焉

集解駢案漢書音義曰掌故太史官屬主故事也

於是

天子沛然改容曰愉乎朕其試哉乃遷思回慮總公卿

之議詢封禪之事詩大澤之博廣符瑞之富

集解駢案漢書音義

曰詩歌詠功德也下四章之頌也大澤之博謂自我天覆雲之油油廣符瑞之富謂斑斑之獸以下三章言符

瑞廣大乃作頌曰自我天覆雲之油油

集解駢案漢書音義曰油油雲

行貌孟子曰油然作雲沛然下雨

甘露時雨厥壤可游滋液滲漉何生

不育

集解徐廣曰滲音色陰反索隱案說文云滲漉水下流之貌也

嘉穀六穗我穡曷

蓄

集解徐廣曰何所蓄邪畜嘉穀

非唯雨之又潤澤之非唯濡之汜專

濩之

集解徐廣曰古布字作專索隱胡廣曰汜普也言雨澤非偏於我普遍布散無所不濩也

萬物

熙熙懷而慕思名山顯位望君之來

集解韋昭曰名山大山也顯位封禪

也

君乎君乎侯不邁哉

索隱小顏云侯何也邁行也言君何不行封禪

般般之

獸樂我君囿

索隱案般般文彩之貌也音班胡廣曰謂騶虞也

白質黑章其儀

可嘉旼旼睦睦君子之能

集解徐廣曰旼音旻和貌也能一作熊駟案漢書音義曰

旻和睦敬言和且敬有似君子

蓋聞其聲今觀其來厥塗靡蹤天瑞之

徵

集解徐廣曰其所來路非有迹蓋自天降瑞不行而至也

茲亦於舜虞氏以興索隱

文穎曰舜百獸率舞則騶虞亦在其中也

濯濯之麟游彼靈時

集解駢案漢書音義曰武

帝祠五時獲白麟故言游靈時索隱詩人云麇鹿濯濯注云濯濯嬉遊也

孟冬十月君徂郊

祀馳我君與帝以享社三代之前蓋未嘗有宛宛黃龍

興德而升

索隱胡廣曰宛宛屈伸也

采色炫燿煥炳輝煌

集解徐廣曰煥音晃

煥音

正陽顯見覺寤黎烝

索隱文穎云正陽陽明也謂南面受朝也

於傳載

之云受命所乘

索隱如淳曰書傳所載揆其此類以為漢土德黃龍為之應見之於成紀故云

受命所乘也厥之有章不必諄諄

集解徐廣曰諄止純反告

天之所命表以符瑞章明其德不必諄諄然有語言也

依類託寓諭以封巒

集解駢案

駢案

漢書音義曰寓寄也巒山也披藝觀之天人之際已交言依事類託寄以喻封禪也

上下相發允答聖王之德兢兢翼翼也故曰興必慮衰

安必思危是以湯武至尊嚴不失肅祗舜在假典顧省

厥遺此之謂也

集解徐廣曰假大也

司馬相如既卒

集解徐廣曰元狩五年也

五歲天子始祭后土八年而遂先禮中嶽

正義高高也

縣西北二十里

封于太山

正義在兗州博城縣西北三十里

至梁父禪肅然

集解徐廣曰小山相如他所著若遺平陵侯書

集解徐廣曰蘓

建與五公子相難草木書篇不采采其尤著公卿者云

太史公曰春秋推見至隱

集解韋昭曰推見事至於隱諱謂若晉文召天子經言狩

河陽之屬索隱李奇曰隱猶微也言其義彰而文微若隱公見弑而經不書諱之也

易本隱之以

顯集解韋昭曰易本隱微妙出爲人事乃顯著也索隱顯虞喜志林曰春秋以人事通天道是推見至隱也易

以天道接人事索隱以之明顯也

大雅言王公大人而德逮黎庶

集解韋昭

曰先言王公大人之德乃後及衆庶也索隱張揖曰謂文王公劉在位大人之德下及衆民者也

小雅

譏小己之得失其流及上

集解韋昭曰小雅云人志狹小先道己之憂苦其流乃及

上政之得失者索隱張揖云已詩人自謂也已小有得失不得其所作詩流言以諷其上也故詩緯云小雅譏已得失及所以言雖外殊其合德一也相如雖多虛辭之於上也

濫說然其要歸引之節儉此與詩之風諫何異揚雄以
為靡麗之賦勸百風一猶馳騁鄭衛之聲曲終而奏雅
不已虧乎余采其語可論者著于篇

索隱述贊曰相如縱誕竊贊卓氏其學無方其才足
倚子虛過吒上林非侈駟馬還邛百金獻伎惜哉封
禪遺文
卓爾

史記卷一百十七

史記卷一百十七考證

司馬相如列傳名曰雲夢索隱裴駰云孫叔敖激沮水作此澤○臣照按周禮職方荊州其澤藪曰雲夢在孫叔敖前有此澤非激沮水明矣

芷若射干○考要曰此賦三用玄鶴三用射干漢書文選芷若下無射干字師古李善並謂俗本誤增也其上云雉雛孔鸞騰遠射干乃狐類其云藁本射干乃香草不嫌其複也又如赤猿蝮蛇犀象野牛窮奇獫

挺之句漢書文選俱無之不知二書誤脫抑亦後人所增乎

梗枏豫章正義按溫活人云○

臣世駿

按活人書名即

本草也溫字疑衍

右以湯谷為界正義言右者北向天子也○陳子龍曰湯谷日出之區應在齊東而云右恐左字之誤正義所云北向天子亦無據劉奉世漢書刊誤亦云右當為左

秋田乎青丘傍徨乎海外正義服虔云青丘國在海東
三百里郭云青邱山名上有田亦有國出九尾狐在
海外○今本山海經注無上有田三字亦有國者海
外東經又有青口國也

歲橙若蓀○焦氏筆乘曰歲橙李善本作歲持歲音針
乃馬藍又作寒將即寒蔣善本蓋誤以將作持也張
揖曰歲持缺故詳具之

故遣中郎將往賓之索隱賈逵云賓伏也○徐孚遠曰

賈說非也。謂以賓見諸侯之禮接之。

其為禍也不亦難矣。○顧炎武曰：衍亦字。

逖聽者，風聲索隱。風聲，風雅之聲。以言聽遠古之事，則著在風雅之聲也。○凌稚隆曰：言風聲見其遠也。索隱，言風雅之聲謬。

藁一莖六穗於庖，集解徐廣曰：藁，瑞禾也。駟案漢書音義曰：謂嘉禾之米於庖廚以供祭祀。索隱鄭德云：藁，擇也。說文嘉禾一名藁，字林云：禾一莖六穗謂之藁。

也○楊慎曰徐楚金云導字諸解惟鄭德得之徐廣
瑞永臆說字林亦據此文而傳會之耳

揚雄以為靡麗之賦勸百風一猶馳騁鄭衛之聲曲終
而奏雅不已虧乎○王若虛辨惑曰前漢書全引此
語予嘗疑之按遷傳雖不著其死之歲月然云遷既
死後其書稍出宣帝時遷外孫楊惲祖述其書遂宣
布焉則其死不過在昭宣之間耳而雄以成帝元延
之初始自蜀遊京師年七十一卒於王莽天鳳五年

逆而推之宣帝之二十年雄乃始生遷著書時安得
雄之言乎是必孟堅所續而後人誤附於史記耳因
學紀聞曰江氏案曰雄後於遷甚久遷得引雄辭何
哉蓋後人以漢書贊附益之

史記卷一百一十七考證

謹案卷一百十六第一頁後七行漢書作桐師刊
本師訛鄉據漢書改

第二頁前五行荊州本西蜀徽外白猫羗雋刊本
白訛曰今改

第二頁前八行其山有六夷七羗九氏刊本氏訛
蠻據後漢書改

卷一百十七第六頁前四行白坩白石英也刊本
坩訛符今改

金定四庫全書
第七頁前二行搏音匹沃反刊本匹訛四今改

第七頁後二行析漢書作斯今案此字史記作斯而漢書作析與索隱說相反疑有誤

第七頁後三行皆如中國燕麥是也刊本如中國說作中國苗據毛本索隱改

第七頁後七行江東人呼為烏菹刊本菹訛燕毛本索隱亦誤據爾雅注改

第八頁前四行小頭細頭有白嬰刊作訛作細頭

頸有白嬰又鼉似蜥蜴刊本蜥訛蜥並據山海

經注改

第八頁後一行葉冬夏常似春刊本春訛冬據廣
雅改

第十二頁前八行正義其白質如玉刊本玉訛五
今改

第十五頁前七行注亦紫三字無解疑有誤

第十五頁後三行滂涌出聲也刊本涌訛通今改

第十八頁前八行鷓鴣也刊本鷓鴣訛鷓今改

第二十頁後五行沈牛塵麋刊本塵訛塵據正義
及漢書改

第二十三頁後五行葉圓而岐刊本葉訛素據索
隱改

第二十七頁前二行格蝦蛤鉗猛氏刊本蝦訛瑕
據索隱及漢書文選改

第二十八頁後五行在上林苑西頭刊本上訛山

今改

第二十九頁後三行淮南鼓員四人刊本脫鼓字

據漢書樂志增

第四十六頁前七行祝融警而蹕御今刊本警訛

驚據監本王本改

第四十七頁後八行出于崑崙西北隅刊本訛作

出書于西河北隅繹上下文義改又黃河出東

北隅刊本河訛海今改

第四十八頁後二行勝婦人首飾也刊本勝下衍

代字據漢書注刪

第五十二頁前二行訾黃其何不徠下刊本其何
訛湛河徠下來據漢書禮樂志改

第五十七頁前二行猶馳騁鄭衛之聲刊本騁訛
聘今改

第五十七頁前五行遺文卓爾刊本卓訛悼今改



總校官庶吉士臣侍朝

校對官檢討臣郭寅

謄錄監生臣費雲開